

四庫全書

子部

欽定四庫全書

子部  
釋氏稽古略卷一

詳校官給事中臣鄧文津

檢討臣何思鈞覆勘

總校官編修臣王燕緒

校對官編修臣曹錫齡

謄錄監生臣王坦

欽定四庫全書

子部十三

釋氏稽古畧

釋家類

提要

臣等謹案釋氏稽古畧四卷元釋覺岸撰覺岸字寶洲烏程人其書皆敘述釋氏事實用編年之體以厯代統系為綱而以有佛以來釋家世次行業為緯始於太昊庖犧氏終於南宋瀛國公德祐二年初名稽古手鑑既以

所載尚未暇備復因舊輯而廣之始改今名  
書成於至正初中山李桓為之序此本乃明  
句容天王寺僧昌復所重刻也覺岸記誦該  
博故所錄上自內典下及禪家傳記文集志  
乘碑碣之類無所不採源流派別詳贍可觀  
惟其意欲自附於淹通史學故於列朝興廢  
盛衰之蹟亦復分條摘列叅禪成文未免喧  
客奪主且據釋流所記如來之生當周昭王



九年是書既欲甄叙宗門但當權輿於摩耶之誕佛顧乃侈談邃古遠引洪荒於體例亦為泛濫又如唐代紀年於昭宣帝後別有少帝濮王糾一代謂為朱全忠所立年號天壽旋復被鴟求之正史全無事實尤不知其何所依據然其援摭既富亦頗有出自僻書足資考証者其於名師大德記前流傳亦多考覈詳明備徵典故與掇摭語錄空談禪理者

不同固未始非緇林道古之一助也乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

釋氏稽古畧原序

吳興有大比丘曰寶洲岸公博學通古今嘗考釋氏事實上下數千載年經而國緯著書一編曰稽古手鑑既又以為未備復因其舊輯而廣之為稽古畧至正十四年秋九月太原劉堯輔為之持其書請於余為序以冠其編首因取而閱之蓋自有佛以來凡名師大德之行業出處以及塔廟之興壞僧侶之衆寡靡不具載本之內典叅之諸史旁及於傳記而間以事之著顯者為之

據將以侈歷代之際遇而寓勸戒於其間歲月先後攷  
覈精審無所遺闕可謂瞻且詳矣然猶以畧名之寶洲  
自謙也竊嘗怪夫佛之為教自身毒萬里遠至於中國  
愈久益盛根本深固而不可搖拔其故何也豈非扶植  
其教者代有其人與若是編之所記往往皆英偉魁傑  
之才自重不屈卓然有立而使王公卿大夫向慕崇信  
奔走之不暇則其扶植之功為何如此師所以加之纂  
述表而出之之意也傳之言曰道不同不相為謀佛氏

之書非余之所學余特嘉其聞見之博用心與力之勤  
道雖不同而不可以不序嗚呼觀其書而見其教之盛  
知彼之扶植為有人則亦可以有感也夫中山李桓序



欽定四庫全書

釋氏稽古畧卷一

元 釋覺岸 撰

三皇

太昊庖犧氏

風姓以木德王都宛丘今汴梁陳州之陳州上古之人捕逐禽獸食肉衣皮難

以教之太昊教民作網罟以佃以漁養六畜且以犧牲享神祇故曰庖犧氏後世曰伏犧氏始畫

八卦造書契由是文籍生焉以龍紀官在位一百一十六年易曰伏犧剡木為舟剡木為楫琴操曰

伏犧作琴修身理性反其天真也通歷曰伏犧作二十五絃之瑟以制婚姻之禮圖經曰庖犧生陟

西華昌路泰州成紀縣母曰華胥禹貢雍州之域也晉寧路河中府霍州有伏牛臺伏羲伏牛桑馬

之所女媧墓在焉之州淮西廬州有女媧古廟

女媧氏共工氏大庭氏柏皇氏中皇氏  
東陸氏驪連氏赫胥氏尊廬氏混沌氏

吳英氏朱襄氏葛天氏宋哲宗元祐五年  
陰康氏無懷氏二月諸葛深紹運

國曰已上十五氏合一  
萬七千七百八十七年

### 社稷神

風俗通曰共工氏之子曰修好遠避舟車所至足跡所達靡不窮覽故祀以為社神

左傳曰共工氏有子曰句龍氏平水土故祀以社  
禮記曰共工氏之霸九州也其子曰后土能平九

州故祀以為社又厲山氏之有天下也其子曰農能  
植百穀故祀以為稷蔡邕獨斷曰周棄播殖百穀



以稷為百穀之長國以  
稷名其神棄周后稷也

# 炎帝神農氏

姜姓繼伏羲氏王火德都魯  
城之時人茹草飲水食木實禽獸肉多疾

病炎帝求可食之物教以火食時天雨粟乃教民  
播種五穀作陶冶斤斧耒耜鋤耨以鑿草莽而五  
穀興故曰神農氏又嘗百草一日遇七十毒以一  
人不足為養日中為市乃通有無以火紀官在位  
一百二十年桓譚新論曰神農氏削桐為琴繩絲  
為弦以通神明之德廣雅曰神農氏琴長三尺六  
寸上有五弦曰宮商角徵羽周  
文王增二弦曰少宮少商也

帝承 帝臨 帝明 帝宣 已上八帝皆神農  
帝堯 帝哀 帝榆 帝岡 氏合五百二十年

末年諸侯相  
伐歸之黃帝

黃帝有熊氏

公孫姓軒轅名有熊國君少典之子也神農氏為天子諸侯相侵伐神農氏弗能

征諸侯侵陵最強暴者惟蚩尤軒轅修德治兵與炎帝氏戰而勝之擒蚩尤於涿鹿今大名縣北陽城

殺之于是諸侯咸歸軒轅推軒轅代神農氏為天子黃帝元年丁亥始立制度天下不順者從而征

之其土地東至于海西至于崆峒今甘肅平涼州城南至于海北逐獫狁邑于涿鹿之阿遭徙無常以兵

師為營衛以雲紀官有土總之瑞舉風后力牧太山稽常先大鴻得六相而天地治神明至帝受河

圖見日月星辰之象于是始有星官之書命大撓探五行之情占斗綱所建于是始作甲子命容成

造曆命隸首作筭數命伶倫造律呂命車區占星氣宏成典而總之為文章以表貴賤作舟車以濟

不通畫野分州得百里之國萬區八家為井井一為鄰鄰三為朋朋三為里里五為邑邑十為都都

十為師師十為州設左右大監監于萬國舉封禪  
之禮作咸池之樂遠夷之國莫不入貢黃帝二十  
五子得姓者十四人為十二姓姬酉祁已滕箴任  
荀偃姑偃休正妃二子一曰玄覽一曰昌意皆得  
為諸侯黃帝崩人以為偃去帝在位一百一十年  
史皇甫謐曰黃帝生陝西鞏昌路秦州壽丘塚在  
寧州橋山之麻川黃帝上昇之地鼎湖今湖南岳陽  
城蚩尤塚路平高七大民常十月祀之有赤氣  
出如正絳帛民名為蚩尤旗易乾鑿度曰昔燧人  
氏仰觀斗極以定方名庖犧因之而畫八卦黃帝  
受命使大撓造甲子容成次歷數五行九宮之說  
自此而興故說卦云陽數九者立天之道曰陰與  
陽陰二陽一則天有三焉立地之道曰柔與剛柔  
二剛一則地亦有三焉立人之道曰仁與義義二  
仁一則人亦有三焉三三合  
九陰陽相包所以成萬物

指南車

黃帝蚩尤戰蚩尤為大霧軍士皆迷黃帝作指南車以示四方遂擒蚩尤殺之

有熊國

今河南新鄭是也

五帝

少皞金天氏

已姓黃帝子字青陽王金德都窮桑今齊州寧路充有鳳凰之瑞因之以為紀官在

位八十四年  
壽終一百歲

顓頊高陽氏

昌意之子黃帝孫也以水德都帝丘今東州宛城漢生八才子謂之八凱少昊氏之

衰人民雜糅民墮于祀祭享無度帝平九黎之亂神人不雜無相侵瀆作歷以孟春為元故帝為歷

宗也土地東至蟠木西至流沙南至交趾北至幽陵今燕也在位七十八年海外經曰東海中有山名

曰度索上有大桃樹屈蟠三千里地里  
誌曰流沙在甘肅省甘州路郡名張掖

### 帝嚳高辛氏

蟠極之子黃帝曾孫也王木德都西亳  
今河南洛陽縣

名順天之義知民之急仁而威惠而信取天地之  
財而節用之撫教萬民而利誨之知日月而迎送  
之明鬼神而敬事之日月所照風雨所至莫不服  
從生八才子謂之八元在位七十年壽終一百五  
歲崩莫令大名路開州秋山充冀二子  
摯至立至在位九年而不善禪于唐侯

### 帝堯陶唐氏

帝嚳子摯之弟也摯立封堯為陶侯改  
封唐故曰陶唐氏伊祁姓也堯既受摯

禪以火德都平陽今晉寧州茅茨不剪土階三尺  
黃英生于庭實草也一日生一莢至十五日成十  
五莢十六日落一莢至三十日落而盡落二莢更  
生更落帝自奉甚薄賦役甚寡是時有大風楔入苦

反榆脩封反胡脩蛇皆為民害帝乃使羿繳大

風于青丘之澤澤東名殺楔榆斷脩蛇于洞庭擒封

狶于桑林民乃悅洪水為災四岳舉鯀禹也治水

九年弗成帝之子丹朱不肖求賢無可以遜位者

羣臣舉舜帝以二女妻舜歷試諸艱納于大麓

# 帝舜有虞氏

曰重華稱都君黃帝八代孫黃帝生昌意昌意生顓頊顓頊生窮蟬窮蟬生康

敬康敬生句望句望生螭牛螭牛生瞽瞍瞽瞍生

舜姚姓舜母死繼母生象父母及象常欲殺舜舜

盡孝弟之道事父母待其弟尤恭耕于歷山河魚

于雷澤阮陶于河濱今濟陰定陶所居成聚二年

親訟獄者不歸丹朱而

歸舜舜乃即天子位說

樂曰大章舜避堯之子丹朱于河南

在位通舜攝共九十八年壽一百九十八歲堯作

樂曰大章舜避堯之子丹朱于河南

梁今汴天下朝

成邑三年成都二十以孝聞年三十克以二女妻之將遜以位舜舉高陽氏高辛氏之子八凱八元

凱主后土元布五教于四方克于是使舜攝位帝鴻氏有不才子號曰渾沌驩兜也少皞氏有不才

子號曰窮奇共工也顓頊氏有不才子號曰檮杌鯀也緡雲氏有不才子號曰饕餮三苗也是謂四

凶仕于克克未能去舜皆投諸四裔舉禹以治水舜攝克位二十八年克崩舜即天子位以土德王

都蒲阪今河中府也彈五弦琴歌南風察璇璣玉衡以齊七政正歷數閏餘成歲作樂曰九韶苗民逆

命數文德舞千羽于兩階七旬有苗來格于商均不肖舜薦禹于天使之代已位在位五十年南巡

狩崩于蒼梧之野今廣西道梧州城壽一百一十歲禹避舜之子商均于陽城天下之人不歸商均

而歸禹禹遂即天子位國號夏

瑞誕

大星如虹下流華渚女節感而生少皞  
星如虹感女嫫而生顓頊  
書舜母感大虹而有

生舜  
世帝王

少皞之前天下之號象其德顓頊以來天  
下之號因其名若高陽高辛皆所興之地

宋神宗元豐三年秘書丞劉恕字道原著外紀曰  
六經惟春秋及易象象文言說卦序卦雜卦仲尼  
所作詩書仲尼所刪定皆不稱三皇五帝三王易  
下繫曰古者包犧氏之王天下也包犧氏沒神農  
氏作神農氏沒黃帝堯舜氏作繼世更王而無三  
五之數或以包犧至舜為五帝孔子未嘗道學者  
不可附會臆說也管子稱明一者皇察道者帝通  
德者王謀得兵勝者霸孔穎達曰管子書或是後  
人所錄非本書也莊子列子皆寓言誕妄秦漢學  
者宗其文詞論議故競稱三皇五帝而不知古無



其人仲尼未嘗道也梁武帝以伏羲神農燧人為  
三皇黃帝少皞帝嚳帝摯帝堯為五帝舜非三王  
亦非五帝與三王為四代其指不通歷世紛紛莫  
知定論也太史公曰學者多稱五帝尚矣然尚書  
獨載堯以果而百家言黃帝其文不雅馴薦紳先  
生難言之孔子所傳宰予問五帝摯及帝繫姓儒  
者或不傳余嘗西至崦嵫北過涿鹿東漸于海南  
浮江淮矣至長老皆各往往稱黃帝堯舜之處風  
教固殊焉總之不離古文者近是予觀春秋國語  
其發明五帝摯帝繫姓章矣顧第弗深考其所表  
見皆不虛書缺有間矣其軼乃時時見于他說非  
好學深思心知其意固難為淺見寡聞道也余并  
論次擇其言尤雅者  
故著為本紀書首

夏

帝禹	王啓	太康	仲康	王相	少康
王桀	王桀	王芒	王泄	不降	王扁

王厘 孔甲 王皋  
王發 履癸

帝禹

姓姁氏黃帝之孫顓頊生鯀鯀生禹當堯之時洪水滔天堯命鯀治水無功殛之死舜攝位舉

禹績父業勞身焦思居外十三年過家之門不入陸行乘車水行乘船泥行乘橇堯禹山行乘橐

反行相地所有以貢及山川之便利于是水害皆息九州攸同四隩可居堯于是錫禹玄圭告其成

功及舜即位使禹為司空以宅百揆天錫洪範九疇彝倫攸叙天與禹洛出書神龜負文列于背有

數至于九禹遂因而第之以成九類舜之子商均不肖舜薦禹于天使代已位舜崩天下之人不歸

商均而歸禹禹即天子位國號夏以水德都韓汭梁也豫州陽仍有虞以建寅月為歲首十寸為尺

色尚黑牲用玄以黑為徽號作樂曰大夏夏大也言能大堯舜之德也懸鐘磬鼓鐸鞀以符四方

之士曰救寡人以道者擊鼓諭以義者擊鐘告以  
事者振鐸語以憂者擊磬有獄訟者搖鈴初舜分  
天下為十二州禹復為九州收天下美銅鑄為九  
鼎以象九州昔黃帝作車少皞加牛奚仲加馬禹  
命奚仲為車正建旌旂旂旂以別尊卑等級古有  
醴醕禹時儀狄作酒禹飲而甘之遂疏儀狄絕旨  
酒曰後世必有以酒亡國者禹任皋陶益以國政  
禹娶塗山氏女生子啓禹南巡狩會諸侯于塗山  
承唐虞之盛執玉帛者萬國又會于會稽防風氏  
後至禹戮之有典則以貽于孫禹嘗薦益于天七  
年禹崩在位九年壽一百歲益避位于箕山  
天下之人不歸益而歸啓啓乃即天子位

神龜出洛今河東山西道懷孟路孟州之孟津  
周武王伐紂師會盟津者是也冀域塗山氏之  
國今淮西安豐路臨濠府會稽今浙東南越孟  
道越州紹興路也並揚域禹崩于會稽其康云

形如箕行泥上楫謂以鐵為如錐  
頭長半寸施之履下上山不跌

王啓

禹之子在  
位十年

太康

好子荒逸無度畋于洛水之表十旬弗歸有窮  
后羿因民之困距之于河頤第五人作歌以怨

之在位三十年失國不得  
歸后羿立太康之弟仲康

仲康

太康弟羿立之微弱義和酒  
酒攻出于羿在位十四年

王相

仲康子為羿所逐失國居商丘  
同姓斟灌斟鄩氏羿自立號有窮后羿自鉏遷

于窮石因夏民代夏政不脩民事淫于原獸棄賢  
不用信用伯明氏之譏于寒浞行媚于內施賂于  
外愚弄其民娛羿于田羿趨田家衆殺羿而烹之  
以食其子其子不忍食死于窮門羿在位八年寒

況因羿室不改有窮之號生澆及豷使澆殺斟  
灌氏及斟鄩氏滅夏王相相后乃有仍國君之女  
方娠逃自竇歸于有仍生少康澆處澆于過處豷  
于戈少康既長為仍牧正澆求之逃奔有虞為庖  
正虞君妻以二姚而邑諸綸有田一成計里有衆  
一旅五布德收夏衆有夏遺臣曰靡自有鬲氏  
收二國之餘民以滅澆而立少康少康使其臣女  
艾滅澆于過使其子季杼滅豷于戈有窮遂亡  
在位三十二年史記司馬貞索隱曰左傳魏莊子  
曰帝相既被篡殺中間經羿浞二氏蓋三數十年  
而此記總不言之直云帝相崩少  
康立踈畧之甚相在位二十八年

少康

帝相子滅浞還舊都復禹之跡  
夏道復興民安在位二十二年

越

少康封少子無餘于會稽號曰於越自後二十  
世周敬王時勾踐稱王興吳王戰敗吳于攜李

勾踐今浙西道嘉興縣用臣范蠡吳越大夫種等謀計周元王三年遂乃

滅吳越後為楚所并經國

# 句踐世家

史記曰夏后帝少康封庶子于會稽以奉守禹之祀文身斷髮披草萊而邑焉

後二十餘世至允常允常之時與吳王闔廬戰而相怨伐允常卒子句踐立是為越王元年吳王闔

廬聞允常死乃興師伐越越王句踐襲擊吳師吳師敗于檇李射傷吳王闔廬杜預曰吳郡嘉興

廬且死告其子夫差曰必毋忘越三年句踐聞吳王夫差日夜勤兵且以報越越欲先吳未發往伐

之范蠡諫曰不可臣聞兵者凶器也戰者逆德也爭者事之末也陰謀逆德好用凶器試身于所未

上帝禁之行者不利越王曰吾已決之矣遂興師吳王聞之悉發精兵擊越越敗之夫椒杜預曰吳縣

太湖中概越王乃以餘兵五千人保棲于會稽山是也吳王追而圍之越王謂范蠡曰以不聽子故至於此為之奈何蠡對曰持滿者與天不盈而不滿道定傾者與人謙卑以自牧尚節事者以地生事昭曰時不至不可強成也卑辭厚禮以遺之不許而身與之市歸則辭以利也謂委管句踐曰諾乃令大夫種行成于吳膝行頓首曰君王亡臣句踐使陪臣種敢告下執事句踐請為臣妻為妾吳王將許之于胥言于吳王曰天以越賜吳勿許也種還以報句踐句踐欲殺妻子燔寶器觸戰以死種止句踐曰夫吳太宰嚭貪可誘以利請行告之于是句踐乃以美女寶器令種間獻吳太宰嚭嚭受乃見大夫種於吳王種頓首言曰願大王赦句踐之罪盡入其寶器不幸不赦句踐將盡殺其妻子燔其寶器悉五千人觸戰必有當也嚭因說吳王曰越以服為臣若將報之此國之利也吳王將許

之子胥進諫曰今不滅越後必悔之句踐賢君種  
蠡良臣若反國將為亂吳王弗聽卒赦越罷兵而  
歸句踐之困會稽也喟然嘆曰吾終于此乎種曰  
湯繫夏臺大王囚羑里晉重耳奔翟齊小白奔莒  
其卒王霸由是觀之何遽不為福乎吳既赦越越  
王句踐反國乃苦身焦思置膽于坐坐卧即仰膽  
飲食亦嘗膽也曰女忘會稽之恥耶身自耕作夫  
人自織食不加肉衣不重帛折節下賢人厚遇賓  
客振貧弔死與百姓同其勞欲使范蠡治國政蠡  
對曰兵甲之事種不如蠡鎮撫國家親附百姓蠡  
不如種于是舉國政屬大夫種而使范蠡與大夫  
柘稽行成為質于吳二歲而吳歸蠡句踐自會稽  
歸七年析循其士民士民欲用以報吳大夫遂同  
諫曰國新流亡今乃復殷給繕飾備利吳必懼懼  
則難必至且鷖鳥之擊也必匿其形今夫吳兵加  
齊晉怨深於楚越名高天下實害周室德少而功



多必淫自矜為越計莫若結齊親楚附晉以厚吳  
吳之志廣必輕戰是我連其權三國伐之越承其  
弊可克也句踐曰善居二年吳王將伐齊子胥諫  
曰未可臣聞句踐食不重味與百姓同苦樂此人  
不死必為國患吳有越腹心之疾齊與吳疥癬也  
願王釋齊先越吳王弗聽遂伐齊敗之艾陵虜齊  
高國以歸讓子胥子胥曰王毋喜王怒子胥欲自  
殺王聞而止之越大夫種曰臣觀吳王政驕矣請  
試嘗之貸粟以卜其事請貸吳王欲與子胥諫勿  
與王遂與之越乃私喜子胥言曰王不聽諫後三  
年吳其墟乎太宰嚭聞之乃數與子胥爭越議因  
讒子胥曰伍員貌忠而實忍人其父兄不顧安能  
顧王王前欲伐齊負疆諫已而有功用是反怨王  
王不備伍員員必為亂與逢同共謀讒之王王始  
不從乃使子胥于齊聞其託子于鮑氏王乃大怒  
曰伍員果欺寡人欲反使人賜子胥屬鏤劍以自

殺子胥大楚曰我令而父霸我又立若若初欲分  
吳國半予我我不受已今若反以讒誅我嗟乎嗟  
乎一人固不能獨立報使者曰必取吾眼置吳東  
門以觀越兵人也于是吳任姁政居三年句踐召  
范蠡曰吳已殺子胥導諛者衆可乎對曰未可至  
明年春吳王北會諸侯於黃池吳國精兵從王惟  
獨老弱與太子留守句踐復問范蠡蠡曰可矣乃  
發習流二千教士四萬人君子六千人韋昭曰君  
近有品也虞翻諸曰言名義謂之如子齊所諸御千人伐吳  
吳師敗遂殺吳太子吳告急于王王方會諸侯於  
黃池懼天下聞之乃秘之吳王已盟黃池乃使人  
厚禮以請成越越自度亦未能滅吳乃與吳平其  
後四年越復伐吳吳士民罷弊銳盡死于齊晉  
而越大破吳因而留圍之三年吳師敗越遂復  
棲吳王于姑蘇之山吳王使公孫雄吳大封夫曰袒  
膝行而前請成越王曰孤臣夫差敢布腹心吳曰

嘗得罪于會稽夫差不敢逆命得與君王成以歸  
今君王舉玉趾而誅孤臣孤臣惟命是聽意者亦  
欲如會稽之獻孤臣之罪乎勾踐不忍欲許之范  
蠡曰會稽之事天以越賜吳吳不取今天以吳賜  
越越其可逆天乎且夫君王早朝晏罷非為吳耶  
謀之二十二年一旦而棄之可乎且夫天與弗取  
反受其咎伐利者其則不遠君忘會稽之厄乎勾  
踐曰吾欲聽子言吾不忍其使者范蠡乃鼓進兵  
曰王已屬政于執事范蠡曰謂也執事使者去不者且  
得罪吳使者泣而去勾踐憐之乃使人謂吳王曰  
吾置王前東君百家杜預曰前東中會稽句吳王謝  
曰吾老矣不能事君王遂自殺乃蔽其面曰吾無  
面以見子胥也越王乃葬吳王而誅太宰嚭勾踐  
已平吳乃以兵北渡淮與齊晉諸侯會於徐州致  
貢於周周元王使人賜勾踐胙命為伯當是時越  
兵橫行於江淮東諸侯卑賀號稱霸王范蠡遂去

自齊遠大夫種書曰蜚鳥盡良弓藏狡兔死走狗烹越王為人長頸鳥喙可與共患難不可與共安樂子何不去種見書稱病不朝人或說種且作亂越王乃賜種劍曰子教寡人伐吳七術寡人用其三而敗吳其四在子子為我從先王試之種遂自殺勾踐卒子王廙與立又五世王無彊伐楚楚威王伐越親王無彊記

王杼

少康子在位十七年

王槐

杼子在位二十六年

王芒

槐子在位十八年索隱曰芒音亡鄒誕生又音荒

王泄

芒子六夷服從始加爵命之制在位十七年

王不降

泄子在位五十九年

王卬

不降弟在位二十二年

王厘

扁子在位二十年

王孔甲

厘子不務修德諸侯多叛在位三十二年

王皐

孔甲子在位十一年

王發

皐子在位十三年

王履癸

發子是為桀自孔甲以來諸侯多叛桀暴戾無道百姓患之伐有施氏娶其女妹喜寵之

桀自恃天命指曰曰日亡吾乃亡闕龍逢黃圖陳諫桀殺之湯使人哭之桀怒囚湯於夏臺既而釋

之湯修德諸侯畏服桀起九夷之師伐湯而九夷之師不至伊尹佐湯伐桀于鳴條今晉寧州桀戰不勝奔於三陵之國湯又從而伐之放於南巢而死在位五十一年夏氏亡

右夏十七主合四百三十二年天下歸商

史記註四

百七十  
八年

按周禮自堯已前未有郡縣舜巡五岳始見州名尚書禹貢已來方陳州號春秋之時縣大郡小以郡屬於縣漢高已來以縣屬郡與誥所明九州禹跡百郡秦并是也

商

帝湯	外丙	仲壬	太甲	沃丁	大庚
小甲	雍己	太戊	仲丁	外壬	河亶甲
祖乙	祖辛	沃甲	祖丁	南庚	陽甲
盤庚	小辛	小乙	武丁	祖庚	祖甲

庚辛 庚丁 武乙  
太丁 帝乙 受辛

帝湯

黃帝之後初帝嚳次妃簡狄見玄鳥墮卵取而吞之生契辭契仕事唐虞為司徒教民有功封

於商賜姓子氏契生昭明昭明生相土相土生昌若昌若生曹圉曹圉生冥冥生振振生微微生報丁報丁生報乙報乙生報丙報丙生主壬主壬生主癸主癸生天乙是為成湯為夏方伯葛伯不祀仇餉湯始征之是時伊尹耕於有莘之野湯使人以幣聘之因說湯伐夏以救民之事湯進伊尹于桀桀不能用伊尹復歸湯桀之賢臣費昌亦歸於湯湯出見張網四面湯為解其三面更其祝曰欲左者左欲右者右欲高者高欲下者下不用命者入吾網漢南諸侯聞之曰湯德及禽獸歸之者四十餘國桀暴虐萬姓伊尹相湯伐桀費昌為御戰于鳴條也解州桀師敗績湯放桀於南巢諸侯大會

湯退就諸侯之位曰天子惟有道者可以處之可以治之三讓諸侯皆推湯于是即天子位以水德

都亳今阿南府也除桀之邪虐以寬治民民喜遠近歸之改正朔夏之前皆以建寅之月為正月湯

既革夏命乃以建丑之月為正月十二月為尺色尚白牲用白以白為徽號服冕冠而緇衣初置二

相以伊尹仲虺為之作樂曰大濩在位十三年崩壽一百歲太子太丁早卒次子外丙立

外丙

湯次子在位二年

仲壬

外丙弟在位四年

太甲

湯太子太丁之子既即位不明厥德顛覆湯之典刑伊尹放之桐宮湯所也伊尹乃攝政當國以

朝諸侯太甲居桐三年自怨自艾處仁遷義伊尹乃以冕服奉太甲復歸于亳太甲增加修德諸侯



咸歸保惠庶民不敢侮鰥寡  
號為太宗在位三十三年

沃丁

太甲子在位  
二十九年

太庚

沃丁弟在位  
二十五年

小甲

太庚子在位  
三十六年

雍巳

小甲弟商道寔哀諸侯  
或不至在位十四年

太戊

雍巳弟以伊陟為相亳有祥桑穀共生于朝一  
暮大拱太戊問於伊陟陟曰妖不勝德君之政

其有闕歟太戊於是修先王之政明養老之禮早  
朝晏退問疾弔喪三日祥桑枯死三年遠方重譯  
而至者七十六國有賢臣巫咸臣扈等共輔  
佐之商道復興號稱中宗在位七十五年

仲丁

太戊子毫都有河決之害遷于囂

音教名

倉汴梁路鄭  
州鴻溝在焉

外壬

仲丁弟在  
位五年

河亶甲

外壬弟躒有河決遷都  
於相在位十年商復衰

相河東山西道彰  
德路也古相州郡

名相郡冀州之域大名路滑州內黃縣有  
河亶甲所築之城大名充冀二州之域

祖乙

河亶甲之子相州河決遷都  
于耿商道復興在位十九年

耿今晉寧路河  
中府古蒲州也

冀域

祖辛

祖乙子在  
位十六年

沃甲

祖辛弟在位二十年

祖丁

祖辛子在位三十二年

南庚

沃甲子在位二十九年

陽甲

南庚弟自仲丁以來子弟爭立九世亂諸侯莫朝商復衰在位八年

盤庚

陽甲弟商道寢衰又有河決之害復遷于亳臣民怨遷盤庚作書告諭之行湯之政商道復興

在位二十

改商

十六年

曰殷

小辛

盤庚弟殷道又衰在位二十二年

小乙

小辛弟自為太子時備知民事艱難在位二十一年

武丁

小乙子居喪三年不言夢上帝資以良弼乃圖其形求于天下得傅說於版築之間命以為相

政事修舉三年蠻夷編髮重譯來朝者六國自是章服多用翟羽鬼方無道武丁伐之三年乃克殷

道復興號為高宗

在位五十九年

鬼方

契諸丹也鮮卑山之遺種北狄之國號居黃水之南黃龍江之北在秦漢曰匈奴在隋唐

曰突厥音漢書音義夏曰獯鬻商曰鬼方周曰玁狁

祖庚

武丁子在位十七年

祖甲

祖庚弟殷復哀在位十七年

廩辛

祖甲子在位六年

庚丁

祖甲次子在位二十三年

武乙

庚丁子時東夷寢盛分遷海岱在位五年獵于河渭之間被震崩

遷都朝歌今山西衛

輝路  
冀域

太丁

武乙子在位十四年時周公季伐戎羌克之太丁命公季為牧師官即周祖王季也

帝乙

太丁子殷益哀在位四十七年帝乙之妻有子長曰微子啟次日中行季曰受德紂也母為后

紂尚幼帝乙及后欲立啓為太子太史據法爭之曰有妻之子不可立妾之子乃立紂

受辛

紂也帝乙之子一名辛都朝歌漢曰殷都即牧野之墟今冀州西衛城紂伐有蘇氏獲其女妲己

嬖之惟其言是從比干諫之紂怒剖比干紂始為象著箕子嘆曰彼為象著必不盛以土簋將為屏

欽定四庫全書

卷一 釋氏稽古畧

十六

王之杯玉杯象著必不羹藜藿衣短褐而舍于茅茨之下則錦衣九重高臺廣室稱此以求天下不足矣遠方珍怪之物興而宮室之漸自此而始故吾畏其卒也紂以周侯昌及九侯鄂侯為三公九侯進女於紂女以禮自閑紂不喜殺之醢九侯鄂侯爭之併殺鄂侯周侯聞之歎息崇侯虎因而譖昌於紂紂乃囚昌於羑里今河南衛輝縣之徒患之乃求有莘氏之美女驪戎之文馬有熊之九駟及珍怪奇物因殷嬖臣費仲而獻之紂大說乃赦昌授昌曰西伯賜弓矢斧鉞使西伯得征伐西伯行政善諸侯來歸之昌受西伯之命凡九年卒又二年昌之子發會諸侯盟津伐紂紂戰不勝入登鹿臺之上衣珠玉自燔在位三十四年殷亡

右商三十主合六百二十八年天下歸周

周

劉起周外紀曰文武其先祖后稷名棄其母有邰  
諳氏女曰姜原為帝嚳元妃出野見巨人跡託而  
踐之而身動如孕者居期而生子以為不祥棄之  
隘巷馬牛避之不踐徙置林中多人遷之又棄於  
渠中冰上飛鳥以翼覆之姜原以為神遂收養長  
之初因棄之故曰棄好耕農相地之宜穀者稼穡  
焉民皆法則之帝堯聞之舉為農師天下得其利  
有功封於郤號曰后稷別姓姬氏后稷卒不窋立  
不窋卒子鞠立鞠卒子公劉立公劉雖在戎狄之  
間復修后稷之業百姓懷之多從而保焉周道之  
興實由此始公劉卒子慶節立國於豳今陝西慶  
節卒子皇僕立皇僕卒子羌弗立羌弗卒子毀今陝西  
城朱立毀朱喻卒子公非立公非卒子高圉立高圉  
卒子亞圉立亞圉卒子公叔祖立公叔祖卒子古  
公亶父立古王古公亶父復修后稷公劉之業積  
德行義國人戴之獫狁戎狄攻焉古公遂去豳渡

欽定四庫全書

卷一 釋氏稽古畧

十七

漆水踰梁山止于岐山之下山在扶風今 龜人舉

國扶老攜幼歸古公于岐下地皇初岐國曰周古

公有長子曰太伯次曰虞仲其妃太姜生少子曰

季歷季歷娶太任皆賢婦人太任生子曰昌昌生

有聖瑞太伯虞仲知古公欲立季歷以傳昌乃亡

如荆蠻文身斷髮以讓季歷古公卒子季歷立季

歷篤于仁義諸侯順

之王季卒子昌立定

文王 武王 成王 康王 昭王 穆王

共王 懿王 孝王 夷王 厲王 共和

宣王 幽王 平王 桓王 莊王 僖王

惠王 襄王 頃王 匡王 定王 簡王

靈王 景王 敬王 元王 貞定王思王 考王

威烈王 安王 烈王 顯王 慎靚王 赧王

文王

姬姓昌名受殷命為西伯凡九年卒壽九十七歲高辛氏之後也伯夷叔齊者孤竹君之子讓



國不仕聞西伯善養老歸馬太顛閔夭散宜生鬻  
子辛甲之徒皆歸之呂望年八十餘釣渭水西伯  
獵載之歸尊為太公虞尚爭田質於西伯入境見  
耕者讓畔行者讓路慙而還以所爭之田讓而不  
取漢南諸侯聞而歸者四十餘國西伯卒子發嗣位

孤竹君之國今遼西之地周封其子  
於朝鮮者是也隸遼陽省古肅慎地

# 武王

諱發西伯昌之子既嗣位以太公望為師以弟  
周公旦為輔召公奭畢公高皆左右東觀費兵

至于盟諸津今河北孟州諸侯不期而會者八百皆曰  
紂可伐矣武王曰未也乃還師而歸居二年紂暴

虐滋甚殺王子比干囚箕子紂之兄微子乃抱其  
樂器而奔紂周於是武王徧告諸侯曰殷有重罪

不可以不伐乃東伐紂十二月戊午師畢渡盟津  
諸侯咸會陳師牧野即紂都今河南紂發兵七

十萬人拒武王衆倒戈無戰心而潰紂乃登於鹿  
臺之上衣其珠玉自燔于火而死武王斬紂頭懸  
太白之旂於時諸侯尊武王為天子已卯武王元  
年殷初定乃使其弟管叔鮮蔡叔度相紂之子武  
庚治殷命召公奭釋箕子之囚畢公釋百姓之囚  
表商容之閭命南宮括散鹿臺之財發鉅橋平今路廣  
之粟以拯貧弱氓隸命閭封比干之墓衛城封也  
命宗祝饗祠于軍乃罷兵西歸武王追思先聖褒  
封神農之後于焦今亳黃帝之後于祝帝堯之後  
于薊隸幽帝舜之後於陳大禹之後於杞封功臣  
謀士師尚父為首於營丘曰齊周公於曲阜曰魯  
召公於薊曰北燕畢公高於畢弟叔鮮於管鄭叔  
度於蔡叔振鐸于曹叔武於邲叔處於霍康叔封  
衛聃季載皆少未封制天下立七十一國封兄弟  
之國十有五人姬姓之國四十八人改正朔以建子  
月為正月色尚赤服以冕王火德以居鎬武王問

箕子以天道作洪範篇封箕子於朝鮮地而  
不臣也餘各以次受封武王將營居於洛邑縱馬

於華山之陽放牛於桃林之野河南州偃干戈振

兵釋旅王二年有疾周公為壇告太王王季文王

請代武王之死武王遷都于鄘文王之廟在鄴地

陝西也武王作樂曰大武在位七年壽九十三初

舜肇十二州以冀州南北廣大分燕北地為幽州

夏殷并幽為冀周襄王二十八年北燕伯朝晉稱

北燕蓋有南燕故也堯之後其南燕乎北燕

姬姓召公之後也南燕姑姓后稷妃家也

詩

初殷紂命西伯昌典治南國江漢汝旁之諸侯

作邑於鄴西伯命岐邦周召之地為周公旦召

公爽之采地至武王定天下巡狩建職陳誦諸侯

之詩以觀民風得周召二公之德教允純屬之太

師分而國之曰周南國風召南國風

周公作樂用之鄉人焉用之邦國焉

文王時詩三十六篇  
**周南**  
十一篇  
關雎葛覃卷耳樛木蟋蟀桃夭兔置采芣漢廣汝墳麟之趾

**召南**  
十二篇  
鵲巢采芣草蟲采蘋行路羔羊殷小其雷標有梅小星江有汜野有死麕騶虞

**雅**  
八篇  
鹿鳴四牡皇皇者華伐木天保采芣出車杜大雅皇矣靈臺旱麓

武王時詩十篇  
**召南**  
二篇  
甘棠何彼穠矣小雅四篇  
魚麗南頌四篇  
陔白華華黍時邁

桓賚般

**陳**  
帝舜之後虞幕裔孫閼父之子胡公滿武王克殷以元女太姬妻之封諸陳賜姓媯氏媯蕩是也國

陳路公自滿五世至慎公年不可考慎公圉戌之子幽公立而後可紀二十四君合六百四十五

年始武世元年己卯終敬王四十二年癸亥

周共和元年 共和十一年 宣王三十三年 幽王元年 幽王五年

幽公寧四年 僖公孝元年 武公靈元年 夷公詵元年 平公燮元年

平王十七年 平王二十七年 桓王十四年 桓王二十一年 莊王五年

文公圉元年 桓公鮑元年 厲公佗元年 烈公貜貞元年 宣公杵白元年

襄王五年 襄王二十一年 頃王六年 定王九年 靈王四年

穆公欽元年 共公朔元年 襄公平國元年 成公午元年 哀公弱元年

景王十六年 敬王十五年 敬王十九年 敬王四十二年

惠公吾元年 懷公柳元年 閔公越元年 陳為楚滅

# 齊

太公望生冀州其先出於神農氏當為四嶽伯益佐禹治水有功賜姓姜氏封於呂至太公望為文

王武王師號尚父封於齊都營丘今山東益都武

王命太公曰五侯九伯汝得征之齊由此得征伐

為上國自尚父七世至獻公年不可考獻公子武

公立年始可紀始武王元年己卯至安王二十三

年壬寅康公薨於海上國為田氏秦始皇帝二十

六年庚辰王建降於秦通三十一主合七百四十

四年國亡初陳敬仲十一世孫完周惠王五年奔齊以陳氏為田氏五世生桓子始大於齊又三世成子得齊政田常生襄子盤盤生莊子白白生太公和相齊齊康公湫於酒色不聽政安王十一年田和遷康公於海上使食一城以奉其先祀安王十三年田和會魏文侯楚人衛人于濁澤求為諸侯魏文侯為之請於王及諸侯王許之十六年王命和為侯王十七年和薨子桓公午立王二十三年齊康公薨於海上無子田氏遂并齊而國之是歲桓公午亦薨子威王田齊立田氏冒齊入戰國周共和元年宣王四年宣王十三年宣王三十四年武公壽十年厲公無忌元年文公赤元年成公說元年莊公購元年平王四十年桓王二十三年莊王十二年惠王十年賜命襄王十年僖公祿父元年襄公諸兒元年桓公臼元年齊為侯伯孝公昭元年襄王二十年匡王元年匡王五年定王九年簡王五年昭公潘元年懿公商人元年惠公元年頃公無野元年靈公環元年

靈王十九年

靈王二十五年

敬王三十一年

敬王三十二年

敬王三十六年

莊公光元年

景公杵臼九年

孺子荼元年

悼公陽生元年

簡公壬元元年

敬王四十年

貞定王十四年

威烈王二十二年

安王十年田和

安王十三年

平公驚元年

宣公積元年

康公貸元年

遷康公於海上

田和求為諸侯

安王十六年王命

安王十七年

安王二十四年

顯王三十七年

赧王二年

田和為諸侯

桓公午元年

齊威王齊元年

宣王辟疆元年

湣王地元年

赧王三十二年

赧王五十一年

秦始皇王六年

襄王法章元年

王建元年

王更降秦國亡

顯王四十三年齊宣王以孟軻為上卿赧王十七

年秦請齊孟嘗君田文為相既而不用乃囚之得

亡去赧王二十九年齊閔王既滅宋欲并二周為

天子燕昭王謀伐齊諸侯害齊王之暴皆爭合謀

赧王三十一年燕以樂毅為上將軍并將秦魏韓

趙之兵伐齊齊師大敗齊王走莒楚使淖齒弑之

赧王三十二年齊亡臣王孫賈相與求閔王子法

章立之是為襄王保莒三十六年齊田單火牛復

齊始皇二十六年秦攻齊齊王建降秦遷建于共衛州餓而死齊田氏一百八十二年合尚父之初

封共九百

二十六年

魯

周公旦文王子武王弟也佐武王克殷封於魯都曲阜今山東濟寧路充周公留佐王其子伯禽就

受封之國至獻公之子慎公湣年世乃可紀始武  
王元年己卯終秦孝文王元年辛亥三十四君合  
八百七十三年楚考烈  
王滅之遷頃公為家人

周共和元年 宣王十一年 宣王十三年 宣王三十二年 宣王三十三年

慎公湣元年 武公敖元年 懿公廕元年 伯御自立 孝公攝元年

平王三年 平王四十九年 桓王九年 莊王四年 惠王十六年

惠帝皇元年 隱公患堯年 桓公允元年 莊公同元年 閔公開元年

惠王十八年 襄王二十六年 匡王五年 定王十七年 簡王十四年

僖公申元年 文公興元年 宣公倭元年 成公黑肱元年 襄公午元年



景王四年 敬王十一年 敬王二十六年 考王十一年 威烈王十七年

昭公稠元年 定公宋元年 哀公蔣元年 元公嘉元年 穆公衍元年

安王二十六年 顯王十五年 顯王二十四年 慎靚王五年 赧王十九年

共公奮元年 康公屯元年 景公匱元年 平公旅元年 湣公賈元年

赧公四十二年 秦孝文王元年

頃公雖元年 國亡

三桓

惠王十四年魯莊公立叔孫氏  
惠王十七年魯國公立孟孫氏  
惠王三十年魯僖公立季孫氏

北燕

召公奭武王弟武王克殷封之於北燕其地時

民懷之以其嘗聽事甘棠樹下不敢伐作甘棠詩  
以美之召公下九世年不可考惠侯立而後可紀

始武王元年已卯顯  
王三十六年入戰國

周共和元年 宣王二年 宣王二十八年 平王五年 平王七年

惠侯元年 僖侯元年 頃侯元年 哀侯元年 鄭侯元年

平王四十三年 桓王十年 桓王二十三年 莊王七年 頃王二年

穆侯元年 宣侯元年 杞侯元年 莊公元年 襄公元年

定王六年

定王二十一年

簡王十二年

靈王十八年

靈王二十四年

宣公元年

昭公元年

武公元年

文公元年

懿公元年

景王元年

景王十年

景王十七年

景王二十二年

景王十六年

惠公元年

悼公元年

共公元年

平公元年

簡公元年

敬王二十八年

貞定王五年

貞定王二十年

考王八年

烈王四年

獻公元年

孝公元年

成公元年

閔公元年

僖公元年

烈王七年

顯王八年

顯王三十四年

顯王三十七年

慎靚王元年

桓公元年

文公元年

文公卒

易王元年

王噲元年

赧王四年

赧王三十六年

赧王四十四年

赧王五十九年

秦昭襄王三十五年

昭王平元年

惠王元年

武成王元年

孝王元年

王喜元年

始皇帝三十五年

國滅

顯王三十四年燕文公卒台七百九十年自後入戰國也顯王四十六年燕稱王赧王三年燕王噲十年也噲以國讓其相子之為王燕人攻子之國大亂齊王伐燕取子之之醢之殺燕王噲燕人共立

太子平是為昭王昭王築臺置千金於臺上以招  
延天下士郭隗始應之秦始皇二十五年秦虜燕  
王喜國滅燕入於戰國凡一百  
六年合初封共八百九十六年

蔡

叔度文王牛武王封之使之相武庚紂也紂與管叔  
流言作亂周公相成王故叔度于郭鄰其子胡卒

德政行復封於蔡今蔡州汝寧州之域自叔度五世

至厲侯年不可考厲侯子武侯立而後可紀始武

王元年己卯終貞定王二十二年甲午

二十五年君合六百七十六年楚惠王滅之

周共和元年 共和五年 宣王十九年 平王十年 平王十二年

武侯二十三年 夷侯元年 僖侯所事年 共侯與元年 戴侯元年

平王二十二年 桓王六年 莊王三年 惠王三年 襄王七年

宣侯攝父元年 桓侯封人元年 哀侯獻舞年 穆侯貽元年 莊侯申元年

匡王二年 定王十六年 景王三年 景王十六年 景王二十四年

文侯申元年 景侯同元年 靈侯般元年 平侯廬元年 悼侯東園元年

欽定四庫全書

卷一

敬王二年

敬王三十年

貞定王十三年

貞定王十七年

貞定王三十二年

昭侯甲九年

成侯朔元年

聲侯虔元年

元侯齊元年

國亡

初莊王十五年蔡哀侯

為楚虜在楚九年而卒

曹

叔振鐸文王子武王封之於曹

潁川路曹也豫州之

五世

至孝伯年不可考孝伯之子夷伯立而後可紀始

武王元年己卯終敬王三十三年甲寅二

十五君合六百三十六年宋景公滅之

周共和元年

共和八年

宣王三年

平王二十二年

夷伯喜于四年

幽伯強元年

戴伯蘇元年

惠伯咒元年

穆公武元年

平王十五年

桓王十九年

惠王七年

惠王十六年

惠王二十五年

桓公終生元年

莊公射姑元年

僖公夷元年

昭公班元年

共公襄元年

頃王元年

定王十三年

簡王九年

靈王十八年

景王十八年

文公壽元年

宣公廬元年

成公負芻元年

武公勝元年

平公頊元年

景王二十二年

敬王六年

敬王十一年

敬王十五年

敬王十九年

悼公年元年

釐公野元年

隱公通元年

靖公露元年

曹伯陽元年

敬王三十二年

國滅

吳

泰伯弟虞仲之後也初古公亶父妣王長子曰泰伯次曰虞仲少曰季歷妣李季歷生昌妣王昌生

有聖瑞泰伯虞仲知古公欲立季歷是曰勾吳號為吳泰如荆蠻文身斷髮以讓季歷是曰勾吳號為吳泰伯無子虞仲生季簡季簡生叔達叔達生周章武王克殷求其後得周章時已君吳矣因封之於吳路今揚州西道平也十三世至去齊年不可考去齊子壽夢立吳始大稱王而後可紀始武王元年己卯終元王三年戊辰二十君六百五十年越勾踐滅之

周簡王元年

靈王十一年

靈王二十五年

景王元年

景王十九年

壽夢元年

諸樊元年

餘祭元年

餘昧元年

王僚元年

敬王六年

敬王二十五年

元王三年

閔盛光元年

夫差元年

國為越滅

釋氏稽古畧

十四

壽夢  
乘一

名

諸樊

一

名

餘味

夷一

末名

閨塵

光一

名

王僚

毒

夢第三子餘昧之子州于也號王僚專諸刺之壽

夢有三子長曰諸樊次曰餘祭

少曰餘昧闔廬諸樊之長子也

成王

丙戌管叔蔡叔霍叔皆文王子流言曰公將不  
 誦武王子即位年十三周公居冢宰攝政元年

利於孺子武庚從而同反周公作大誥奉王命以

討之二年周公居東討管叔武庚誅之放蔡叔於

郭鄰降霍叔為庶人東土以寧六年周公作樂曰

勺言能勺先王之道也又作樂曰武以象武王之

武功也七年初武王作邑於鎬京謂之宗周是為

西都將營成周居於洛邑而未果至是成王如武

王之志定鼎於郊廓二月使召公先相宅三月周

公至洛興工營築謂之王城是為東都南係于洛

水北因于郊山周公又嘗成周成王居洛邑遷殷

頑民於成周復還歸西都十二月周公歸政於成

王成王在位三十七年內七年周公攝政

**食貨**

初虞夏商之世幣金有三品或黃或白或赤或錢或布或刀或龜貝至是太公望乃立九

府圖法錢圖函方輕重以銖布帛廣三尺二寸為幅長四大為匹故貨寶於金利於刀流於泉布於

布束於

帛漢食

**詩**

成王時雅

**小雅**

十篇常棟崇丘由庚南山有臺菁菁者莪彤弓蓼蕭湛露南有

嘉魚**大雅**

十三篇文王大明縣下武生民行葦文王有聲既醉鳧鷖假樂公劉河酌卷阿

**頌**

二十七篇清廟維清烈文天作我將執競思文臣工噫嘻振鷺豐年有瞽載見有客訪落敬之

小豳載芟良耜絲衣閔予小子旻天有成命維天之命潛雖武酌

幽國風

幽國變風作七篇七月鴟鴞東山破斧伐

柯九開城路鳳翔之西今

晉

叔虞成王母弟王五年削桐葉為珪戲曰吾以此封若史佚請擇日王曰吾與之戲耳史佚曰天子

無戲言周公成之遂封叔虞於堯之故墟曰唐侯都翼叔虞子燮改唐曰晉都平晉縣今冀寧路古井

州也城至昭侯封文侯之弟成師於曲沃號桓叔至景公遷新田絳謂曲沃為故絳晉自叔虞至厲

侯福五世年不可考厲侯子靖侯立而後可紀始成王五年庚寅終安王二十六年乙巳三十八君

合七百四十六年魏韓趙共廢晉靖公為家人三分其地曲沃桓叔生莊伯莊伯生武公繼世為曲

沃之君強盛常有滅晉之志惠王二年武公伐晉而滅之當是時天子之使適在晉故大夫為之請



命于天子之使天子之使為之請命天子王使號  
父命曲沃武公以一軍為晉侯桓叔晉穆公之子也

曲沃翼城二縣隸絳州聞喜安邑二縣隸解州  
皆屬晉寧路即平陽路古晉州也冀州之域

周共和元年 共和二年 宣王六年 宣王十七年 宣王四十四年

靖侯宣王六年 倍侯司徒元年 獻侯籍元年 穆侯費元年 殤叔元年

幽王二年 平王三十六年 平王三十二年 平王四十八年 桓王三年

文侯仇元年 昭侯伯元年 孝侯平元年 鄂侯郤元年 哀侯光元年

桓王十一年 桓王十六年 惠王元年 襄王二年 襄王十五年

小子侯元年 侯緡元年 獻公詭諸元年 惠公夷吾元年 懷公圉元年

襄王十六年 襄王三十五年 襄王三十二年 匡王六年 定王八年

文公重耳元年 襄公驪元年 靈公夷元年 成公黑臀元年 景公據元年

簡王六年 簡王十四年 靈王十五年 景王十四年 景王二十一年

厲公壽曼元年 悼公周元年 平公彪元年 昭公夷元年 頃公去疾元年

敬王九年 元王三年 貞定王十三年 考王四年 威烈王七年

定公午元年 出公鑿元年 哀公躋元年 幽公柳元年 烈公止元年

安王十年

安王二十五年 安王三十六年

孝公頌元年

靖復酒元年

國滅

晉有六卿曰智氏趙氏韓氏魏氏范氏中行氏強而專權晉侯卑弱不能制貞定王十一年智氏與韓趙魏共滅范氏中行氏分其地貞定王十二年晉侯怒四卿之驕暴告齊魯欲伐之四卿乃反攻公公奔齊死之是日出公乃立哀公貞定王十三年智氏又約韓魏共伐趙三年不能克趙乃約韓魏反攻智伯滅其族三分智伯之地

宋

武王元年封殷紂之庶子武庚治殷既叛而誅之周公東歸成王封殷帝乙之裔微子以代殷後國號宋用殷之禮樂於周為客而不臣國應天府宋今徐州歸德府也自微子至厲公斷年不可考厲公子億公立而後可紀始成王二年丁亥終報王二十九年乙亥王偃無道齊魏楚共滅之三十二君合

八百三

十九年

周共和元年

共和十二年

宣王二十八年

宣王三十九年

平王六年

僖公十八年

惠公觀元年

哀公九年

戴公元年

武公司空元年

平王二十四年

平王四十三年

桓王元年

桓王十年

莊王六年

宣公力元年

穆公和元年

殤公弗元年

莊公馮元年

閔公捷元年

莊王十五年

僖王元年

襄王二年

襄王十六年

襄王三十二年

游弒閔公自立

桓公御說元年

襄公斐元年

成王臣元年

昭公杵臼元年

匡王二年

定王十九年

簡王十一年

景王十四年

敬王四年

文公鮑革元年

共公瑕元年

平公成元年

元公佐元年

景公頭曼元年

貞定王元年

威烈王三十三年

安王七年

烈王四年

顯王四十一年

昭公特元年

悼公躒由元年

休公田元年

辟公辟兵元年

康王偃元年

赧王三十九年

國滅

詩

商頌五篇那祀成湯也烈祖祀中宗也玄鳥祀高宗也長發大禘也殷武祀高宗也嚴粲詩註

曰微子為商之後故商之禮樂皆存於宋至七世傳之戴公其間禮樂廢壞亦非戴公之罪自戴公而上微子而下其所由來者漸矣有正考甫者得商頌之十二篇於周之太師宋之禮樂雖為廢壞然正考甫得商頌於周之太師是商之禮樂雖失之於宋而得之於周也周用六代之樂樂章固常存之故得有商頌也然商頌十二篇今乃有五篇蓋刪詩時又已亡其七矣輯詩

衛

周公既伐管蔡以殷民半封康叔於衛輝今山西衛州也冀七世至頃侯年不可考頃侯子僖侯立而

後可紀始成王二年丁亥終秦二世元年壬辰四十一主合九百單六年懿公時狄侵衛懿公出奔戴公立野處漕邑齊桓公攘夷狄城楚丘而封之衛文公徙居楚丘是以衛國風木爪美齊桓公也

周共和元年 宣王十六年 平王十四年 平王三十七年 桓王元年

僖侯十四年 武公和元年 莊公楊元年 桓公完元年 州吁元年

桓王二年

桓王二十一年

莊王九年

惠王九年

惠王十七年

宣公晉元年

惠公朔元年

惠公十二年

懿公赤元年

戴公申元年

惠王十八年

襄王十八年

定王八年

定王十九年

簡王十年

文公燬元年

成公鄭元年

穆公邈元年

定公臧元年

獻公衍元年

靈王十四年

景王二年

景王十一年

敬王二十八年

敬王四十年

殤公秋元年

襄公惡元年

靈公元元年

出公般元年

莊公蒯聵元年

敬王四十三年

貞定王元年

貞定王十七年

考王十年

威烈王元年

侯起元年

悼公黯元年

敬公弗元年

昭公糾元年

懷公蠆元年

威烈王十二年

烈王四年

顯王八年

顯王二十二年

顯王三十四年

慎公類元年

聲公訓元年

成侯速元年

白侯服屬三晉

平侯元年

顯王四十五年

魯君赧王三十三年

秦昭襄王十五年

秦始皇十八年

秦二世元年滅之

嗣君元年

懷君元年

元君元年

君角元年

廢角為庶人

# 楚

顓頊之後裔世居蠻荊為君長周初有鬻熊事文

王成王時封其孫熊繹於楚姓羊氏羊音為楚子

今湖北道江陵縣古荊州即此也熊繹九

世至熊延不可考熊延子熊勇立而後可紀始

成王至威烈王二十四年悼王立合七百十五年  
入戰國赧王十六年秦伐楚劫懷王十八年懷王  
亡歸秦追及之懷王薨於秦赧王五十三年楚考  
烈王完元年徙都壽春今淮安豐路西秦昭襄王五十四  
年楚遷於鉅陽楚自悼王元年至  
始皇二十四年得一百七十九年

周共和元年

共和五年

宣王元年

宣王七年

宣王二十九年

熊勇元年

熊嚴元年

熊霜元年

熊徇元年

熊罥元年

宣王三十八年

平王八年

平王十四年

平王三十一年  
威王

莊王八年

若敖熊儀元年

霄敖熊坎元年

蚡冒熊眴元年

熊通始稱王元年

文王熊賁元年

惠王元年

惠王六年

襄王二十七年

頃王六年

定王十七年

堵敖熊焉元年

成王熊憚元年

穆王商臣元年

莊王侶元年

共王審元年

靈王十三年

景王元年

景王五年

景王十七年

敬王五年

康王招元年

鄭敖豪元年

靈王圉元年

平王素疾元年

昭王珍元年

敬王三十一年

考王十年

威烈王十九年

威烈王二十四年

安王二十二年

惠王章元年

簡王申元年

聲王當元年

悼王元年  
入戰國

肅王臧元年

烈王七年

顯王三十年

顯王四十一年

赧王十七年

赧王五十三年

宣王元年

威王元年

懷王元年

襄王元年

考烈王完卒

秦始皇十年

始皇二十年

始皇二十四年

幽王元年

王負芻元年

國滅

康王

釗成王子修文武之業天下安寧刑措不用在位二十六年

昭王

瑕康王子王道微闕楚人不朝王乃南征國人以膠船乘王至中流膠液王及祭公皆溺死在

位五十一年

釋迦牟尼佛

按明教大師正宗記曰天地更始闢浮洲方有王者興曰大人大人者沒

後王因之繼作而不已古今殆不可勝數後世有王者曰大善生大善生出懿師摩懿師摩出憂羅陀憂羅陀出瞿羅瞿羅出尼浮羅尼浮羅出師子頻師子頻出淨飯王然此七世皆王獨懿師摩淨

飯號為聖王如來即出于淨飯聖王者也始如來以往世會然燈佛於蓮華大城然燈授之記曰汝後成佛如我號曰釋迦牟尼更劫無數連迦葉佛世遇以菩薩成道上生於觀史陀天應其補處號護明大士及其應運適至大士乃以迦毗羅國處闍浮提之中白淨飯王真轉輪族宜因之以生即捐天壽示乘白象從日中降神於其母摩耶夫人右脇而止及其將生摩耶乃往國苑無憂木下其花方妍夫人欲取之舉手聖子乃自其右脇而誕神龍澍水以澡之地發金蓮以承之聖子乃四方各踏七步以手上下指之曰四維上下惟我嚴尊王昇持之與謁天廟天像起為之致禮還宮大集賢者為其名之號曰薩婆悉達稍長命師傅教以世書未幾立為太子為娶太子已大潔清雖示同世娶而非有凡意以夙業緣乃指其妃之腹曰却後六年汝當生一男一旦命駕欲遊雖更出四門



而皆有所遇終以其老病死與沙門者感之而出  
家之意愈篤太子時年十九歲二月八夜乘馬出  
自北門至檀特山小息林間遂釋衣冠自以其所  
佩寶劍絕其鬚髮誓曰願共一切斷此煩惱淨居  
天化人以僧伽黎致太子因得法服服之進入其  
山嘉處彌樓寶山居其阿藍伽藍習不用處定三  
年後進鬱頭藍處習非非想定三年進象頭山雜  
外道輩為之苦行日食麻麥居六年以無心意無  
受行而外道亦化聖人乃自思之曰今此苦行非  
正解脫吾當受食而後成佛即沐浴於尼連河受  
牧牛氏女所獻乳糜尋詣畢鉢木下天帝化人擲  
瑞草以席其坐以二月七日之夕<sub>建子為正月</sub>薨<sub>正月</sub>  
為<sub>建寅丑</sub>入正三昧八日明星出時示廓然大悟  
乃成等正覺陞金剛座天帝師之請轉法輪先是  
憍陳如五人侍從於山中至此首與度之故入鹿  
野苑談四諦法然因是而得道果者亦億計遂獨

之庫竭提國化優樓迦葉弟兄三人時國主瓶沙  
王有竹林園施佛為精舍請如來館之未幾王舍  
城舍利弗目犍連皆從受化如來曰彼二來者當  
為我上足弟子於是度之初大迦葉入山習禪至  
是趣竹林精舍如來起迎謂眾曰吾滅後而法被  
來世六萬歲者此人之力也是時如來成道已六  
載矣後迎之還國以見父王父王大說因詔其族  
五百貴子從之出家及其還宮也其子羅睺羅禮  
之持聖人之衣而告眾曰此正如來也用是為母  
釋其羣疑其後以化期將近乃命摩訶迦葉曰吾  
以清淨法眼涅槃妙心實相無相微妙正法今付  
於汝汝當護持并勅阿難副貳傳化無令斷絕而  
說偈曰法本法無法無法法亦法今付無法時法  
法何曾法偈已復謂大迦葉曰吾將金縷僧伽梨  
衣亦付於汝汝其轉授補處慈氏佛埃其出世宜  
謹守之大迦葉敬奉佛勅世尊一旦往拘尸那城

婆羅雙木之間欲般涅槃會純陀長者慇懃供養  
如來因之復大說法度須跋陀羅右脇而卧泊然  
大寂內之金棺待大迦葉至而後三昧火燔然而  
焚爐已而舍利光燭天地天人神龍分而塔之紅  
此又曰稽夫如來之生也當此周昭王九年甲寅  
之四月八日其出家也當昭王之二十七年壬申  
之二月八日其成道也當昭王三十三年之戊寅  
其滅度也當穆王三十六年壬申之二月十五日  
化已凡一千一十七年以漢孝明帝永平十年丁  
卯之歲而教被華夏嗚呼如來示同世壽凡七十  
九歲以正法持世方四十九年化度有情其不可  
勝數若如來之生與滅及其出家成道或當周昭  
王穆王之年然自周武王至厲王皆無年數及宣  
王方有之舊譜乃曰昭王九年二十七年三十三  
年穆王之三十六年或者頗不以為然吾嘗辨之  
故考太史公三代世表視其序曰余讀諫記黃帝

欽定四庫全書

卷一

以來皆有年數稽其厯譜謀終始五德之傳古文咸不同乖異夫子之弗論次其年月豈虛哉以此驗三代以前非實無年數蓋太史公用孔子為尚書之志故不書其年乃作世表嵩又評曰其付法於大迦葉者其於何時必何以明之曰涅槃會之初知來告諸比丘曰汝等不應作如是語我今所有無上正法悉已付囑摩訶迦葉是迦葉者當為汝等作大依止此其明矣涅槃經正宗記又評曰寶林傳燈二書皆書天竺諸祖入滅之時以合華夏周秦之歲甲然周自宣王以前未始有年又支竺相遠數萬餘里其人化滅或有更千餘歲其事渺茫隔越吾恐以重譯比校未易得其實輒畧其年數甲子且從而存其帝代耳唯釋迦文佛菩提達磨至于中國六世之祖其入滅年甲稍可推校乃備書也

師出正明宗教大

傳法正宗記者宋杭州佛日禪師契嵩之所作也  
師廣西道藤州鐔津李氏子母鍾氏七歲出家事  
東山沙門十三得度十九遊方下沅湘涉衡嶽謁  
神鼎諲禪師諲與語奇之然無所契悟遊秦蜀間  
受記崩於洞山聰公徧叅知識夜則頂戴觀音像  
誦其號必滿十萬乃寢世間經書章句不學而能  
作原教十餘萬言明儒釋之道一貫以抗宗韓排  
佛之說後居杭州靈隱未安蘭若著禪門定祖圖  
傳法正宗記輔教編上仁宗皇帝萬言書經開封  
府繳進嘉祐七年三月十七日賜付傳法院編次  
入藏下詔褒寵賜號明教大師宰相韓琦大叅政  
陽修廷見而尊禮之歐曰不意僧中有此郎既東  
還棲永安神宗熙寧五年六月四日晨興寫偈曰  
後夜月初明吾今喜獨行不學大梅老貪隨龜鼠  
聲至中夜而化闍維不壞者五曰頂曰耳曰舌曰  
童真曰念數珠其頂骨出舍利紅白晶潔是月八

日道俗合諸不壞者葬於故居永安蘭若之左壽  
六十六歲僧臘五十三詳見尚書屯田員外郎陳  
舜俞撰師行業紀師字仲靈號潛子法嗣洞山聰  
禪師聰嗣文殊真真嗣德山密密嗣雲門偃禪師  
會元釋迦牟尼如來

賢劫第四佛也

五比丘者憍陳如頻鞞跋提并俱利此三屬在父之親陳如十  
頌曰頻鞞跋提并俱利此三屬在父之親陳如十  
力母之親初轉  
法輪先度此

迦葉弟兄三人者優樓頻羅迦葉伽耶迦葉那提  
迦葉也非大迦葉兼其徒侶一千人又度王舍城  
舍利弗目犍連兼其徒侶各一百人耶舍長者子  
等五十人是衆隨佛行住故經前列衆稱千二百  
五十人皆是也經  
存大數故畧五人

世尊拈華迦葉微笑出大梵王問佛決疑經云佛在靈鷲山中大梵天王以金色波羅華持以獻佛世尊拈華示衆人天百萬悉皆罔措獨有迦葉破顏微笑世尊曰吾有正法眼藏涅槃妙心分付迦葉詳見宋神宗熙寧十年丞相王荊國公說

結集法藏見一祖迦葉下

四諦法者苦集滅道也一苦諦別則二十五有總則六道生死二集諦即見思惑又云見修又云四住又云染污無知又云取相惑又云枝末無明又云通惑又云界內惑名雖不同但見思耳三滅諦滅前苦集顯偏真理因滅會真滅非真諦四道諦略則戒定慧廣則三十七道品道品者四念處四正勤四如意足五根五力七覺支八正道然四諦之中分世出世前二諦為世間因果苦果集因後

二諦為出世間因果滅果道因且何故世出世前  
果後因蓋聲聞根鈍知苦斷集慕果修因是故然  
也

穆王

滿昭王子在位五十五年壽終一百五歲徐夷  
作亂率九夷以伐宗周西至河上穆王畏其偏

分命東方諸侯徐子王之徐子麇姓地方五百里  
行仁義得朱弓矢自以為得天瑞乃稱偃王陸地  
而朝者三十六國王正西巡狩樂而亡返聞徐子  
偃號乃命造父為御而歸以救偃王之亂命楚伐  
徐徐子北走彭城青今徐城百姓隨之者以萬  
數穆王乃以趙城封造父其族由此為趙氏

共王

緊扈穆王子  
在位十年

懿王

藉共王子徙都槐里史記載王有詩  
今無之蓋逸詩也在位二十五年

槐里今  
陝西安



西路興平縣薤城  
老子所葬之地

詩

齊太公五世哀公荒淫懿王使烹馬齊之變風  
風始作五篇鷄鳴還著東方之日東方未明

孝王

辟方懿王弟時有詩今無之  
蓋逸詩也王在位十五年

西天一祖摩訶迦葉尊者

摩竭陀國人也姓婆羅門其父號飲澤母號香

志生而其體金色初名迦葉波此曰飲光蓋取其  
體之金色光明照耀飲諸光明也愍父母求出家  
為沙門入山以杜多行自修會空中有告者曰佛  
已出世請往師之尊者趨於竹林精舍致禮勤敬  
如來乃分座命之坐時大衆皆驚謂其何以與此  
如來知之乃說其夙緣以斷羣疑尋為之說法而  
尊者即座成道然其積修勝德而智慧高遠故如  
來嘗曰我今所有大慈大悲四禪三昧無量功德

以自莊嚴而迦葉比丘亦復如是一朝乃以正法  
付之囑其相傳無令斷絕復授金縷袈裟命之轉  
付彌勒及如來大般涅槃而尊者方在耆闍崛山  
是時地震光明照耀即以天眼知之乃謂衆曰佛  
涅槃矣嗟乎正法眼滅世間空虛與其徒即趨拘  
尸那城即至雙木之間而如來既化內於金棺尊  
者大慟遂感如來足出於棺以慰其哀慕尋致薌  
檀白氈以資其闍維既經七日迦葉告五百阿羅  
漢令詣十方集諸羅漢王舍城雙樹間至中夏安  
居於十五日結集三藏闍王日給千人飯食滿足  
一夏爾時迦葉告諸比丘佛已荼毘金剛舍利宜  
與入天為其福田吾等比丘當務結集以惠來世  
為其大明即以神通自昇須彌之頂而說偈曰如  
來弟子且莫涅槃得神通者當赴結集遂擊金鐘  
其偈因鐘聲而普聞故應真羅漢皆會於畢鉢羅  
囉唯阿難以漏未盡不得即預宿戶外終夕思之

及曉乃得正證遂扣戶以告迦葉迦葉曰若然汝  
可以神通自戶鑰中入阿難如其言而至是時僉  
議三藏者宜何為先迦葉曰宜先修多羅因謂諸  
聖曰此阿難比丘多聞總持有大智慧常隨如來  
梵行清淨所聞佛法如水傳器無有遺餘佛所讚  
嘆聰敏第一宜可請彼集修多羅藏大衆默然迦  
葉告阿難曰汝今宜宣法眼阿難聞言信受觀察  
衆心而宜偈言比丘諸眷屬離佛不莊嚴猶如虛  
空中衆星之無月說是偈已禮衆僧足陞法座而  
宣是言如是我聞一時佛在某處說某經乃至人  
天等作禮奉行時迦葉問諸比丘阿難所言不錯  
謬乎皆曰不異世尊所說次命優婆塞離以集毗尼  
藏復命阿難集阿毘曇達磨藏他部命迦旃延已  
而迦葉尊者即入願智三昧觀其所集果無謬者  
然尊者處世方四十五年終以結集既畢而說法  
度人亦無量矣念是衰老宜入定於難足山以待

彌勒故命阿難曰昔如來將般涅槃預以正法眼  
付囑於我我將隱矣此復付汝汝善傳持無使斷  
絕乃說偈曰法法本來法無法無非法何於一法  
中有法有不法阿難作禮奉命尊者入定於山當  
此周孝王之  
世也正宗

夷王

夷孝王子觀禮不明王下堂而見諸侯荒服不  
朝命虢公帥六師伐太原之戎至于俞泉獲馬  
千疋王在位十六  
年壽終六十歲

詩

衛康叔七世至頃侯政衰  
衛風始變詩一篇邶柏舟

二祖阿難尊者

王舍城人也姓剎帝利白飯王之  
子釋迦如來之從弟也始名阿難

陀此云慶喜亦名歡喜如來成道之夕生王之家  
大慶且喜以故名之投佛出家多聞博達智慧無

礙世尊以為總持第一有大功德受持法藏如水  
傳器乃命之以為作者至是垂入涅槃至疏伽河  
又念先時所度弟子宜當來集須臾五百羅漢自  
空而下中有二羅漢一曰商那和修一曰末田地  
迦尊者知其皆大法器而命之曰昔如來以正法  
眼藏付人迦葉迦葉入定而付於我我今將滅用  
傳汝等汝受吾教當聽偈言本來付有法付了言  
無法各各須自悟悟了無無法復謂商那和修曰  
汝善行化護持正法無令斷絕謂末地迦曰昔佛  
記云滅度五百歲中當汝于罽賓國敷宣大法後  
宜往之以興教化已而尊者躡身虛空現十八變  
入風奮迅三昧而滅分舍利一分奉忉利天一分  
奉娑竭羅龍宮一分奉毘舍離王一分奉阿闍世  
王各起寶塔而供養之當此周夷王之世也  
正宗

十八變

出文句  
補註章

右脇出水

左脇出水

右脇出火

左脇出火

身上出水

身下出火

身上出水

身上出火

履地如水

履水如地

空沒現地

地沒現空

虛空中行

虛空中住

虛空中坐

虛空中卧

空現大身

大復現小

厲王

胡夷王子暴虐萬民弗忍後三十七年叛王出奔于  
虢周公召公二相以太子靜尚幼乃相與和協

共理

崩于歲在位五十一年

詩

王之變雅

五篇民勞板  
蕩抑桑柔

陳風始變

幽公二篇  
宛丘東門

之

檜風始變

四篇羔裘素冠  
隰有萋楚匪風

共和

周公召公共理國事至十四年王崩于歲太子  
靜既長於召公之家二相共立之是為宣王

釋迦文佛舍利寶塔

東天竺國阿育王碎七寶末造八萬四千寶塔盡收西域

及龍宮所藏世尊舍利一塔之命耶舍尊者舒指放光八萬四千道令捷疾鬼各隨一光盡處安置一塔遍娑婆界震旦國者一十九所至西晉武帝太康三年有劉薩訶者病死入冥見梵僧指往會稽育王塔處懺悔得甦出家名慧達至會稽遍求不見偶一夜聞地下鐘聲即誠懇經三日忽從地洩寶塔高一尺四寸廣七寸佛像悉具達既見塔精勤禮懺廣瞻瑞像今明州阿育王山廣利禪寺佛舍利塔是也育王造塔之時當此周厲王共和之世也阿育王山塔傳

宣王

都厲王子周公召公輔王修政法文武成康之遺風王命召公伐平淮夷申伯仲山甫順天下

更失理喻德教舉遺士海內翕然向風諸侯復宗周周道中興尹吉甫作詩美之王在位四十六年

詩

宣王詩二十篇

小雅

十四篇六月采芑車攻吉日鴻鴈庭燎沔水鶴鳴祈父白駒黃鳥我

行其野斯

大雅

六篇雲漢崧高燕民韓奕江漢常武衛國風武公一篇鄘柏

舟

陳風

釐公三篇衡門東門之池東門之楊秦風始變一篇車鄰美秦仲也

鄭

宣王二十二年封弟友於鄭今汴梁陽州初營也

周宣王二十二年平王元年平王二十八年桓王二十年莊王元年

桓公及元年武公掘突元年莊公寤生元年厲公突元年昭公忽元年

莊王三年惠王五年襄王二十五年定王二年定王三年

子亶元年文公捷元年穆公蘭元年靈公夷元年襄公堅元年

定王二十一年簡王二年簡王十四年靈王七年景王十六年

悼公費元年成公踰元年僖公憚元年簡公嘉元年定公寧元年

敬王七年敬王二十年貞定王七年貞定王十五年威烈王三年

獻公蠆元年聲公勝元年哀公易元年共公巳元年



威烈王四年 安王七年 烈王元年

繆公貽元年 康公乙元年 為韓滅

秦

嬴姓其先出高陽氏顓帝裔孫女修子大業生柏翳曰大費佐禹平水土其後造父御穆王得幸封

於趙

今陝西鞏昌路秦川也

大費十九世生非子

為孝王主馬蕃息賜之邑號嬴秦為附庸至秦仲

宣王授命作大夫始有車馬禮樂之好秦仲之孫

襄公值幽王為西戎所敗平王東遷將兵救周有

功平王元年賜之地始命為諸侯平王六年秦文

公都隴州隴隸鞏昌路報王九年昭襄元年也三十君合

五百六十二年昭

襄王併周報王崩

周共和元年 宣王七年

幽王五年

平王六年

桓王五年

秦仲四年

莊公元年

襄公元年

文公元年

寧公元年

桓王十七年

桓王二十三年

惠王二年

惠王十四年

惠王十八年

出子元年

武公元年

宣公元年

成公元年

穆公好元年

襄王三十二年

匡王五年

定王四年

簡王十年

景王九年

康公盤元年

共公和元年

桓公元年

景公盾元年

哀公元年

敬王三十二年

敬王三十年

元王元年

貞定王三十七年

考王十三年

惠公元年

悼公元年

厲公共元年

繆公元年

懷公元年

威烈王二年

威烈王十二年

安王二年

安王十六年

安王十八年

靈公元年

簡公悼子元年

惠公元年

出公元年

獻公元年

顯王五年

顯王八年

顯王三十二年

赧王五年

赧王九年

獻公黼黻之服

孝公元年

惠文王元年

武王元年

昭襄王元年

顯王十九年秦商鞅築冀闕宮庭於咸陽徙都之

併諸小鄉聚集為一縣縣置令丞凡三十一縣廢

井田開阡陌平斗桶方斛權衡丈尺顯王三十年

秦入戰國顯王四十五年秦惠文王改其國之十

四年為元年赧王五十九年秦昭襄

王五十一年也併周還九國

西周

三祖商那和修尊者

摩突羅國人也亦名金那婆  
斯姓毘舍多父林勝母驕奢

耶在胎六年而生梵語商誥迦此云自然服即西域九枝秀草名也若聖降生則此草生於淨潔之地和修生時瑞草斯應持法行化尋於吒利國得優波毼多以為給侍祖問之曰汝年幾耶毼多曰我年十七祖曰汝身十七性十七耶多曰師毼多白為毼白耶心白耶祖曰我但毼白非心白也多曰我身十七非性十七後三載遂為剃落授具至是付以正法偈曰非法亦非心無心亦無法說是心法時是法非心法付法已隱于罽賓國南象白山中後於三昧中見弟子毼多有五百徒衆常多懈慢乃往彼現龍奮迅三昧以調伏之而說偈曰通達非彼此至聖無長短汝除輕慢意疾得阿羅漢五百比丘依教奉行尊者乃現十八變大光三昧用焚其身毼多收舍利葬于梵迦羅山當此宣

王之世  
也  
正宗記

幽王

宮湮宣王子嬖於褒姒信號石父之譖廢申后放太子宜臼于申以褒姒為后生子余王寵信

褒姒西戎之兵殺王驪山下虜褒姒王在位十一年號公立王子余國人不順立未經年晉文侯殺

余是日攜王諸侯即申國立故太子宜臼是曰平王

詩

幽王之詩

小雅

四十三篇節南山正月十月之交雨無正小宛小弁巧言何人斯巷

伯谷風蓼莪四月北山無將大車小車明敔鍾楚茨信南山甫田大田瞻彼洛矣裳裳者華桑扈鴛鴦頍弁車牽青蠅賓之初筵魚藻采芡角弓莞柳都人士采綠黍苗隰桑白華絛蠶弧葉漸漸之石苔之華何草不黃大雅二篇瞻

平王

宜臼幽王子在位五十一年幽王既被害鄴鄩逼近戎狄不可居乃東遷都於洛邑王室微弱

號令不行政由方  
伯齊楚秦晉漸大

詩

平王桓王莊王詩通十篇

貶為王國風

平王六篇黍離君子于役君子揚揚揚之水山谷有

推葛藟桓王三篇兔爰采芣大車莊王一篇丘中有麻

衛風

四篇淇澳綠衣考槃碩人

鄭風始

變

一篇

唐風

晉也七篇山有樞揚之水椒聊綢繆杖杜羔裘鵲羽

秦風

四篇驕美襄公也

始受命為諸侯有佃狩園囿焉小戎蒹葭終南

陳風

僖公一篇墓門

四祖優波納多尊者

吒利國人也姓首陀父善意年十七出家二十證果隨方

行化魔宮震動魔波旬侯尊者定密持瓔珞摩於祖頸祖出定知魔所為乃以人狗蛇三尸化為華鬘酬奉波旬尸蛆臭穢波旬厭惡盡已神力不能去乃趨梵王求去尸穢梵王曰此十力弟子所作

我不可釋汝須歸心尊者為說偈曰若因地倒還因地起離地求起終無是理波旬乃哀露懺悔尊  
者謂曰汝可口自唱言皈依三寶魔王合掌三唱  
皈依佛皈依法皈依僧華鬘悉除波旬大喜作禮  
說偈曰稽首三昧尊十力聖才子我今願迴向勿  
令有劣弱作禮而去尊者每度一弟子以一籌置  
於石室其室縱丁八肘廣十二肘充滿其間以法  
付提多迦偈曰心自本來心本心非有法有法有  
本心非心非本法付法已踊身虛空作十八變却  
復本座趺跏而逝提多迦以室內籌用焚師軀收  
舍利建塔供養當此周平王之世也  
正宗今住持以方丈曰籌室者取此

十力

是處非處力

知業力

三昧力

知根力

知性力

至道力

宿命力

天眼力

知欲力

無漏力

春秋

魯史也孔子作春秋始魯隱公元年平王四十九年也孔子以平王為東周之始王隱公

讓國之賢君始起此者蓋寓褒貶賞罰以正一王之法

桓王

林平王孫太子泄世乃立平王在位二十三年初平王東遷晉鄭史輔諸侯賓從至是王奪鄭伯

政鄭伯不朝王乃伐鄭師敗王傷自是天子威令弱矣

詩

王國風三篇見平王下

衛風

公二十六篇州吁宣公惠

衛

竹竿伯兮有狐芄蘭河廣

邶

燕燕日月終風擊鼓凱風雄雉苑有苦葉谷風式微旄丘簡兮泉水北門北風靜女新臺二子

乘邠

君子偕老牆有茨桑中鵲之奔奔

魏風

七篇葛屨汾沮洳園有挑沙姑十畝之間

伐檀

邶邠附衛碩鼠

莊王

位桓王子在  
位十五年

詩

王國風一篇  
見平王下

齊風

襄公六篇  
盧令敝笥載馳猗嗟  
鄭風六篇

將仲子叔于田大叔于田羔裘遵  
大路女曰鷄鳴又二篇  
褰裳溱有

五祖提多迦尊者

摩伽陀國人也  
未詳其姓初名  
香衆梵語提多迦此云通真量

初香衆從毼多尊者求出家  
毼多問之曰汝身出家心出家耶  
香衆曰我來出家非為身心  
毼多曰不為身心復誰出家  
曰夫出家者無我我故無我  
我故即心不生滅心不生滅  
即常道諸佛亦常心無形相  
其體亦然毼多曰汝當大悟  
心自通達宜依佛法僧紹隆  
聖種即為剃落受具足戒名  
之曰提多迦授以大法提多  
迦得法已行化至中印度其  
國有大仙者八千人其首曰  
彌遮迦帥衆詣



尊者而禮之遂求出家其徒仙衆從之而俱出家尊者受之鬚髮自除袈裟著體尊者命遮迦曰昔如來以大法眼密付大迦葉展轉而至於我我今付汝汝當傳持勿絕聽吾偈曰通達本心法無法無非法悟了同未悟無心亦無法偈已尊者起身太虛作十八變用火光三昧而自焚之彌遮迦與衆收其舍利建塔於班茶山供養之當此周莊王之世也

班茶山供

釐王

胡齊莊王子在位五年齊桓公始霸會諸侯為盟主用管仲為政號曰仲父四民不使雜處制

國為二十一鄉作內政而寄軍令謹正鹽筴

詩唐風

武公二篇無衣有秋之杜

鄭風

十一篇有女同車山有扶蘇

之蟬風雨出其東門子衿揚之水野有蔓草

惠王

閼釐王子在位二十五年初莊王愛少子子頹欲立為太子不克惠王二年秋邊伯五大夫怨

惠王召燕衛伐周王出奔溫居于鄭燕衛及諸大夫立頹為王四年鄭伯虢公帥師伐王城殺子頹

及五大夫奉惠王歸周二十四年惠王崩襄王不敢發喪畏叔帶也告難於齊二十五年諸侯謀王

室既定而後發喪

詩唐風

二篇葛生采芣

鄭風

一篇清人

曹風

一篇蟋蟀

衛風

二篇定之方中

載

魯頌

魯僖公在位三十三年至是季孫行父請命于周而史克作頌四篇稱僖公也駟有

駟泮水闕宮史克魯之史官也

襄王

鄭惠王子在位三十三年初惠王少子叔帶有寵惠后欲立之而不克至是叔帶欲與戎狄伐

周王知之將誅叔帶叔帶奔齊王元年齊桓公會諸侯於葵丘今汴梁縣是也以戎難告齊桓公使諸侯戍周襄王九年齊桓公卒王十七年狄人奉叔帶伐周襄王奔鄭狄人立叔帶為王是時晉文公避驪姬之難始返國襄王告急于晉晉文公帥諸侯伐周而殺叔帶奉襄王歸周王賜文公為侯伯

詩衛風

文公三篇蟋蟀相鼠干旄陳風宣公二篇

秦風

穆公一篇黃鳥康公四篇晨風無衣渭陽權輿

六祖彌遮迦尊者

中印度人也未詳姓氏一日至北竺國市中一人持酒器逆

祖曰尊者何方而來欲往何所祖曰從自心來欲往無處曰識我手中物否祖曰此是觸器而負淨

者曰尊者其識我否祖曰我即不識識即不我祖  
復謂之曰汝可自道姓氏其人遂說偈曰我今生  
此國復憶昔時曰本姓頗羅墮名宇婆須蜜祖攝  
受為其剃度以圓戒德尋命之曰我方老邁將般  
涅槃如來正法眼藏今以付汝汝當傳之無使斷  
絕聽吾偈曰無心無可得說得不名法若了心非  
心始解心心法偈已尊者即入獅子奮迅三昧騰  
身太虛高七多羅木却復本座化火自焚婆須蜜  
收靈骨舍利以七寶函貯之建塔置其  
工層供養當此周襄王之世也

正宗記

頃王

士臣襄王子  
在位六年

詩曹風

共公三篇侯  
人鳴鴈下泉

陳風

靈公二篇  
株林澤陂

匡王

班頃王子  
在位六年

定王

瑜頊王子在位二十一年

老子

姓李氏名聃字伯陽定王三年丁巳九月十四日生楚國陳郡苦縣賴鄉曲仁里聃之生

也釋迦文佛入滅已三百四十六年矣簡王四年

己卯伯陽年二十三仕周為守歲史十三年遷柱

下史自是五十四年不遷時人目為史隱敬王元

年壬午老子年八十六歲去周與散關今陝西興

令尹喜西遊流沙而死於扶

風郡墓槐里今陝西平縣也

七祖婆須蜜尊者

北天竺國人也姓頗羅墮遇彌遮迦出家受法行化至迦摩羅

國忽有智者來前稱名佛陀難提今與尊者論義

須蜜曰仁者論即不義義即不論若擬論義終非

義陀難提以其義勝遂求度須蜜特命四果聖人

為其授戒未幾乃命之曰如來正法眼藏今以付

汝汝其傳之慎無斷絕聽吾偈曰心同虛空界示等虛空法證得虛空時無是非法已而須蜜起身作十八變乃入慈心三昧時梵王帝釋及諸天衆俱來作禮而說偈言賢劫衆聖祖而當第七位尊者哀念我請為宣佛地須蜜從三昧起示衆曰我所得法而非有故若識佛地離有無故語已還入三昧示涅槃相難提即於本座起七寶塔秘其全體當此周定王之世也

正宗記

列祖葬全身者始此

簡王

夷定王子在位十四年

靈王

泄心簡王子在位二十七年

孔子

靈王二十一年庚戌十一月庚子生魯國陬邑昌平鄉母顏氏禱於尼丘而生故名丘字仲

尼孔子之生也釋迦大佛入滅四百年敬王四十一年壬戌孔子卒年七十三歲葬魯曲阜路今濟州

### 景王

貴靈王子在位二十五年王十八年太子聖卒王少子子朝王欲立之未果王崩周相單旗劉

狄立王次子猛為王子朝因舊官百工之喪職扶者以逐劉子劉子出奔單子奉子猛於莊宮子朝之徒夜使人取猛以歸單子出奔子朝之徒奉王猛以追單子晉人帥師納王猛於王城猛尋卒是日悼王諸大夫奉王猛母弟丐為王是曰敬王子朝又見敬王下

### 八祖佛陀難提尊者

迦摩羅國人也姓瞿曇氏頂有肉髻辨捷無礙初遇婆須

蜜出家得道行化至提伽國度弟子伏馱蜜多付法偈曰虛空無內外心法亦如此若了虛空故是達真如理爾時尊者即現神變却復本座儼然寂滅衆興寶塔葬其全身當此周景王之世也正宗記

敬王

乃景王子在位四十四年王元年周大夫尹氏立子朝為王入王城王如劉王四年冬克鞏遂

王子朝王入于成周自是謂王城為西周成周為東周王十六年子朝之徒作亂王出奔于晉十七

年晉侯帥師納王王入于王城

九祖伏馱蜜多尊者

提伽國人也姓毘舍羅八祖行化至毘舍羅家其父長者

致禮問何所須祖曰我求侍者長者曰我有一子名伏馱蜜多年已五十口未曾言足不曾履祖曰

如汝所說真吾弟子伏馱聞之遽起禮拜而說偈言父母非我親誰是最親者諸佛非我道誰是最

道者祖曰汝言與心親父母非可比汝行與道合諸佛心即是外求有相佛與汝不相似欲識汝

本心非合亦非離伏馱聞偈已便行七步祖曰此子悲願廣大慮父母愛情難捨故不言不履耳長



者遂捨令出家祖授以具戒付以法眼既得法已  
行化至中印度授弟子脇尊者正法眼藏偈曰真  
理本無名因名顯真理受得真實法非真亦非偽  
付法已即入滅盡三昧而般涅槃衆以香油旃檀  
闍維收舍利建塔于那蘭陀  
寺當此周敬王之世也  
正宗記

元王

仁敬王子  
在位七年

貞定王

介元王子在位二十八年崩子去疾立是為  
哀王立三月弟叔襲殺哀王而自立是為思

王立五月少弟寬攻殺思  
王而自立即考王也  
史記

辛卯十九年世尊入滅五百歲天竺國無著菩薩  
其弟天親菩薩初尚小乘造小乘論五百部後契  
悟大乘復造大乘論  
五百部號千部論師

十祖脇尊者

中印度人也本名難生處胎六十年父長者香蓋捨其出家執侍九祖未

曾睡眠謂其脇不至席號脇尊者焉持化至華氏國憩一樹下告衆曰此地變金色當有聖人入會言訖地變金色有長者子富那夜奢合掌立前而說偈曰師坐金色地常說真實義迴光而照我令入三摩地祖乃度之既其成以如來大法眼藏付之偈曰真體自然真因真說有理領得真真法無行亦無止付法已即現神變而入涅槃化火自焚四衆各以衣祴盛舍利隨處興塔而供養當此周

貞定王之世也

正宗記

考王

嵬貞定王子也在位十五年崩考王封其弟於河南是為桓公以續周公之官職桓公卒子威

公代立威公卒子惠公代立乃封其少子於鞏以奉王號是為東周君時東西周遂分治焉

史記

威烈王

午考王子在位二十四年王二十三年九  
閏震王命晉大夫魏斯趙籍韓虔為諸侯

魏

畢公高之後與周同姓畢萬事晉獻公滅魏因  
封萬為魏大夫至桓子與趙韓共滅智伯三分

其地至文侯斯以卜子夏田子方為師都安邑魏  
道州西顯王二十九年秦破魏師虜魏公子卬魏

惠王恕使使獻河西之地於秦  
以和去安邑徙都大梁梁今汴也

間威烈王三十五年安王十六年烈王六年顯王三十五年慎觀王三年

文侯斯王二年武王擊元年惠王登元年惠王竊後元年安王元年

赧王二十年赧王三十九年秦始皇五年始皇二十年始皇二十一年

昭王元年安釐王元年景閔王增元年王假元年國亡

秦昭襄王五十二年魏舉國聽秦令始皇  
二十一年秦滅魏八君合一百七十九年

趙與秦共祖蜚康子惡來弟季勝五世孫造父事  
穆王至幽王時周大夫趙奄父之子叔帶去周

如晉事文公始建趙氏于晉又五世趙夙又七世簡子鞅生襄子無卹與魏韓滅智伯襄子卒孫浣

立浣子籍始受命為諸侯都邯鄲河今趙州真定縣南也冀州赧王八年趙武靈王變胡服騎射備四境

之難赧王十六年趙王自稱主父赧王十七年趙惠文王元年封其弟勝為平原君赧王三十二年

趙王得楚和氏璧共十一君合一百八十二年秦始皇二十五年秦滅之趙代王嘉悼襄王長子幽

穆王兄也秦既虜其趙君嘉乃自立於代將川諫今冀州之域腹尋為秦所滅

周威烈王二十三年安王三年 安王十六年 烈王二年 顯王二十年

烈侯籍六年 武侯元年 敬侯元年 成侯穗元年 肅侯元年

顯王四十四年 赧王十七年 赧王五十年 秦始皇帝三年 始皇十二年

武靈王元年 惠文王高元年 孝成王丹年 悼襄王復元年 幽穆王遷元年

始皇二十年 始皇二十五年

代王嘉元年 秦滅之

韓

與周同姓曲沃莊伯之弟曰韓萬其孫簡為定伯生子與事晉封曰韓武子三世韓獻子厥始

姓韓

為晉卿自厥六世至康子與趙魏滅智伯自

康子

二世至虔始受王命為諸侯國潁昌府周烈

王元

年韓滅鄭徙都之路今鄭州梁周顯王四十六年

韓稱

王赧王元年韓以太子質秦秦始皇十四年

韓王

納地于秦請為藩臣始皇十七年

秦滅

韓共十一君合一百七十四年

周威烈王二十三年 安王三年

安王十六年

安王二十六年

烈王六年

景侯虔元年

烈王取元年

文侯元年

哀侯元年

懿侯元年

顯王十一年

顯王三十七年

顯王四十六年

赧王四年

赧王二十年

昭侯元年

宣惠元年

韓稱王

襄王倉元年

僖王元年

赧王四十四年

秦始皇帝九年 始皇十七年

桓惠王元年

王安元年

國亡

安王

驕威烈王子在位二十六年

十一 祖富那夜奢尊者

華氏國人也姓瞿曇氏父寶身既得法於脇尊者至

波羅奈國有馬鳴大士皈依求度祖告衆曰此大士者昔為毘舍利國王其國有一類人如馬裸露王運神通分身為蠶彼乃得衣後復生中印度馬人感聽悲鳴因號馬鳴是時大士以偈慰彼衆曰我見汝無衣心生善保護示化於窠園當得諸濟度既而祖謂大士曰如來記云吾滅度後六百年當有賢者馬鳴於波羅奈國摧伏異道度人無量繼吾傳化今正是時即告之曰如來大法眼藏今付於汝聽吾偈曰迷悟如隱顯明暗不相離今付隱顯法非一亦非二付法已即現神變湛然圓寂衆興寶塔以闕金身當此周安王之世也

正身當宗

烈王

喜安王子在位七年

顯王

扁烈王弟在位四十八年當是時鄒人有孟軻者道既成出見魏惠王

魏惠王曰梁王曰叟不遠千

里而來亦將有以利吾國乎孟子曰王何必曰利亦有仁義而已矣初孟子師孔子之孫子思嘗問牧民之道何先子思曰先利之孟子曰君子所以教民亦仁義而已矣何必利子思曰仁義固所以利之也上不仁則下不得其所上不義則下樂為詐也此為不利大矣故易曰利者義之和也又曰利用安身以崇德也此皆利之大也

孔叢宋丞相司馬溫國公光日子思孟子之言一也夫惟仁者

為知仁義之利不仁者不知也故孟子之對梁王直以仁義而不及利者所與言之人異故也

梁王顯

王三十二年孟軻為魏卿四十三人為齊上卿

曲卓有

孟軻

顯王四十四年夏四月秦初稱王四十六

年韓燕皆稱王趙武靈王獨曰無其實敢處其名乎令國人謂已曰君四十八年齊封田嬰於薛號

曰靖郭君君有子四十餘人其賤妾之子曰文文  
侑儻饒智畧賓客請靖郭君以文為嗣靖郭君卒  
文嗣為薛公  
即益嘗君也

## 十二祖馬鳴大士

波羅奈國人也亦名功勝蓋以  
其夙有功德又以不作無作諸

功德最為殊勝故名馬既少法已闡揚於華氏國  
有魔名迦毘摩羅眷屬三千向祖作諸神變祖曰  
汝盡神力化性海得乎魔曰何謂性海祖曰性海  
者山河大地皆依建立三昧六通由茲發現迦毘  
摩羅聞言愈加問難知祖理勝遂發信心與徒三  
千俱求剃度祖乃召五百應真與授具戒大士因  
之乃大造論議尋告之曰如來大法眼藏今當付  
汝汝聽偈言隱顯即本法明暗原不二今付悟了  
法非取亦非離付囑已即入龍奮迅三昧挺身空  
中如日輪相然後復本座示寂四眾以真體闕之



龍龕當此周顯  
王之世也正宗

慎靚王

定顯王子  
在位六年

赧王

延慎靚王子在位五十九年周東西分理為諸  
侯所侵赧王五十九年秦昭襄王五十一年也

秦將軍樛堀由伐韓伐趙赧王恐乃倍秦與諸侯  
約從將天下銳師出伊闕攻秦令無得通陽城秦  
使將軍嫪毐攻西周赧王入秦頓首盡獻其邑  
三十六秦受其獻歸赧王于周是歲赧王崩

右周三十六王合八百六十七年天下歸秦

十三祖迦毘摩羅大士

華氏國人也未詳其姓初  
為外道有大幻術徒侶三

千道諸異論既得法於馬鳴大士行化至西印度  
彼國太子名雲自在諸宮中供養祖不允太子曰

城北大山有一石窰可住禪寂祖諾行數里逢一大蟒祖與授三皈依蟒脫去至石窰又北十里有大樹蔭覆五百大龍其樹王名龍樹常為龍衆說法迎祖曰深山孤寂龍蟒所居大德至尊何枉神足祖曰吾非至尊來訪賢者龍樹默念曰此師得決定性明道眼否是大聖繼真乘否祖曰汝雖心語我已意知樹聞悔謝求度祖即度之未幾乃命之曰今以如來大法眼藏付囑於汝聽吾偈曰非隱非顯法說是真實際悟此隱顯法非愚亦非智付法已即顯神變化大焚身龍樹收五色舍利建塔焉當此周赧三皈依者皈依佛王之世也正宗皈依法皈依僧也

秦

嬴姓水德王都咸陽京安西北酈酈城建國元起見周宣王下

昭襄王 孝文王 莊襄王  
始皇帝 二世 子嬰

昭襄王

則又名稷秦武王之母弟惠文王之子也  
立五十一年并周遷九鼎在位五十六年

孝文王

柱昭襄王子  
立三月薨

莊襄王

楚孝文王子在位四年元年東周君與諸侯  
謀伐秦秦使相國呂不韋帥師討之東周滅

封相國為

文信侯

始皇帝

政莊襄王子嗣位二十六年并天下北築長  
城又自以為德兼三皇功過五帝乃更號曰

皇帝除謚法以謂下議工也命為制令為詔自稱  
曰朕又曰朕為始皇帝後世以計數二世三世至  
于萬世承運以水德初齊威宣王時鄒衍論著終  
始五德之運齊人奏之始皇采其說始改年朝  
賀皆以十月朔衣服旌旄節旗皆尚黑數以六為  
紀改臘為嘉平分天下為三十六郡曰三川河東

南陽南郡九江郡會稽潁川碭郡泗水薛郡東  
郡琅邪齊郡上谷漁陽右北平遼西遼東代郡鉅  
鹿邯鄲上黨太原雲中九原鴈門上郡隴西北地  
漢中巴郡蜀郡黔中長沙凡三十五與內史為三  
十六郡郡置守尉監水天下兵聚咸陽銷以為鍾  
鐻金人十二三十四年丞相李斯上書謂史官非  
秦記皆燒之有偶語詩書棄市以古非今者族所  
不去者醫藥卜筮種樹之書若欲有學法令以吏  
為師制曰可侯生盧生相與亡去始皇怒使人廉  
問諸生相告引犯禁者四百六十餘人皆坑之咸  
陽三十七年冬十月始皇出遊左丞相斯從少子  
胡亥請從西至平原津而病七月丙寅始皇崩於  
沙丘平墓在位三十七年壽五十歲中車府令趙  
高行符璽事乃與丞相斯詐謀受詔立胡亥為太  
子歸至咸陽始乃發喪襲  
位九月葬始皇驪山下

十四祖龍樹大士

西天竺國人也亦名龍勝得法後至南印度彼國之人多信福

業祖為說法彼相謂曰人有福業世間第一徒言  
佛性誰能覩之祖曰汝欲見佛性先須除我慢彼  
曰佛性大小祖曰非大非小非廣非狹無福無報  
不死不生彼聞理勝悉回初心彼眾中有長者子  
名迦那提婆并彼眾等咸願出家祖為剃落命諸  
聖與授具戒其國先有外道五千餘眾作大幻術  
眾皆宗仰祖悉化之令歸三寶祖因之造大智度  
論中論十二門論垂之於世不啻其千萬偈悉皆  
方便開釋正法以應其機宜於後乃命迦那提婆  
曰如來以大法眼付囑迦葉乃至我今付汝  
聽吾偈曰為明隱顯法方說解脫理於法心不證  
無瞋亦無喜付法已入月輪三昧廣現神變復就  
本座凝然禪寂迦那提婆與諸四眾共建  
寶塔以葬焉當此秦始皇帝之世也

正  
宗

二世

胡亥始皇帝少子也元年秋陽城人陳勝起兵於

吳狄人田儼起兵於齊勝廣詐稱大楚勝自立為  
將軍廣為都尉入據陳陳中父老請立勝為楚王  
九月劉季兵起於沛是日沛公天下豪傑皆起爭  
應立六國後項梁者楚將項燕之子也項籍時梁  
兄之子二年趙高害李斯死二世以高為丞相沛  
公還攻豐拔之項梁召諸別將會薛計事居鄢人  
范增年七十說梁立楚後求得楚懷王之孫曰心  
夏六月立心為楚王從民望也三年關東皆叛趙  
高恐二世怒誅及其身乃謝病不朝陰與其婿咸  
陽令閻樂謀易王更立王子嬰樂乃將吏卒千餘  
人入望夷宮二世曰吾願得一郡為王弗許又曰  
願為萬戶侯弗許曰願與妻子為黔首比諸公子  
閻樂曰臣受命丞相為天下誅足下廢其兵進二  
世乃自殺趙高乃悉召諸大臣公子曰秦故王國

始皇君天下故稱帝今六國復自立秦地益小乃以空名為帝不可宜為王如故乃立始皇故太子扶蘇之子嬰為秦王令子嬰齋當廟見受玉璽子嬰與其二子謀曰丞相高殺二世恐羣臣誅之伴以義立我我稱病不行丞相必來來則殺之已而果自來子嬰遂刺殺趙高於齋宮三族其家子嬰立在此四十六日十月沛公至灞上子嬰降

## 二世元年

壬辰

魏王咎

趙王武臣齊王田儼楚隱王陳勝燕王韓廣元年

元年

元年

元年

漢季漢滅之

## 二世二年

癸巳

魏王豹元年

趙王歇元年齊王田布元年夏六月項梁立楚韓王成元年

漢二年九月漢滅之

漢三年漢滅之

漢四年漢滅之懷王孫心為楚王

二世三年

甲午

漢元年

韓王鄭昌元年

漢三年漢滅之

子嬰

始皇太子扶蘇之子立四十六日十月沛公至灊上子嬰素車白馬係頸以組封皇帝璽符節

降軹道旁沛公西入咸陽

右秦自昭襄王至子嬰合五十年天下歸漢

西漢

高祖  
昭帝

惠帝  
昌邑王

呂后  
宣帝

文帝  
元帝

景帝  
成帝

武帝  
哀帝

平帝

孺子嬰

劉姓以火德王都長安陽今安西路京兆高祖改曰長安漢初用秦正以十月為正月至武帝太初元年



始用夏正建寅為正月漢五年天下既定婁敬戌隴西過洛陽因虞將軍見上曰秦地被山帶河四

塞以為固宜都之上問羣臣張良曰要敬說是也即日車駕西都長安拜婁敬為郎中賜姓劉

# 高祖

諱邦字季沛豐邑中陽里人在秦為泗上亭長也送徒役驪山徒多道亡邦縱其囚自匿于

沛秦二世元年沛父老立季為沛公蕭何曹參等

入關至灊上秦子嬰降居數日項羽屠咸陽殺秦降王子嬰燒秦宮室秦民大失望項羽陽尊楚懷

王心為義帝都郴今湖南之郴分天下王諸將羽自立為西楚霸王都彭城今徐州立沛公為漢王都

南鄭今陝西漢中三分關中王秦降將章邯等三人以距塞漢路漢王怒欲攻項羽周勃灌嬰樊噲

皆勸之蕭何諫之乃遂就國稱漢元年以何為丞相次拜韓信大將引兵出襲雍雍王章邯戰敗走

塞王欣翟疏格王翳皆降以其地為渭南河工上  
郡漢二年冬十月項王密使九江王黥布等擊義  
帝殺之江中漢王南渡平陰津至洛陽新城三老  
董公遮說王曰順德者昌逆德者亡兵出無名事  
故不成項羽無道放殺其主大王宜率三軍之衆  
為之素服以告諸侯而伐之於是漢王為義帝發  
喪以告諸侯趙王陳餘遣兵助漢項王雖聞漢東  
欲遂破齊而後擊漢漢王以故得率諸侯兵凡五  
十六萬人伐楚遂入彭城項王聞之自以精兵三  
萬人至彭城大破漢軍圍漢王三市會大風折木  
發屋竊寘晝晦楚軍大亂壞散漢王乃得與數十  
騎遁去審食其從太公漢王呂后間行求漢王反  
遇楚軍項王常置軍中為質漢四年漢遣侯公說  
項王羽請太公羽乃與漢約中分天下割鴻溝今  
也州以西為漢以東為楚九月楚歸太公呂后乃引  
兵而東歸漢王欲西歸張良陳平曰漢有天下大

半楚兵食盡此天亡之時也今失弗擊所謂養虎自遺患也漢王從之五年冬十月漢王追項王至

固陵

府今光州開路

地寧

十二月項王至垓下

音

夜

聞漢軍四面皆楚歌遂潰圍南出馳至烏江

今淮

西

和

我何渡

我何渡

我何渡

地則烏江亭長艤船待項王笑曰天之亡我我何渡

焉且籍與江東子弟八千人渡江而西今無一人

還縱江東父兄憐而王我我何面目見之縱彼不

言籍獨不愧於心乎乃自刎而死漢王即皇帝位

于汜

反數

水之陽

太子六年夏尊太公為太上皇天下既定命蕭何

次律令韓信申軍法張倉定章程律

程者歷數之章

律者

律者

律者

律者

一尺斛斗也歷家至朔同曰謂之律度量衡之則也文中

謂之法今成章程之品式爾叔孫通制禮儀陸賈造新

語封功臣為列侯剖符作誓丹書鐵契金匱石室

藏之宗廟誓曰使黃河如帶泰山若礪國以

永存爰及苗裔帝在位十二年五十三歲崩

至五

至五

惠帝

盈高祖太子在位七年壽二十四歲

呂后

諱雉姓呂氏惠帝母惠帝崩太后臨朝稱制四年少帝知而

言之太后遂幽少帝未薨中立恒山王義為帝更名弘不稱元年以太后制天下事故也至文帝立

皆滅之於邸八年秋七月太后崩壽七十二年呂祿呂產欲作亂太尉周勃等誅諸呂諸大臣相

與陰謀使人召代王上天子璽符代王讓者五遂乃即天子位

文帝

諱恒高祖第三子封代王陳平周勃既誅諸呂遣使迎王至長安即帝位十六年又後元七年

在位共二十三年壽四十六崩帝除去肉刑務行寬大身衣弋絺帷帳無文繡治灞陵解瓦器不得以金銀銅鐵為飾因山不起墳帝專務以德化民海內殷富天下斷獄數百幾致刑措

十五祖迦那提婆大士

南天竺國人也姓毘舍羅謁龍樹龍樹先以滿鉢盛

水置座前提婆以一針投之欣然契會既得法至迦毘羅國彼有長者曰梵摩淨德國樹生耳如茵取而食之隨取隨長祖至其家長者問茵所自祖曰汝家曾供養一比丘道眼不明虛露信施報為木茵乃說偈曰入道不通理復身還信施汝年八十一其樹不生耳長者年八十一樹果不生茵長者捨第二子羅睺羅多隨祖出家祖度之至巴連弗城有諸外道掩抑佛法祖往化之有不從者發百千難問祖悉其無礙之辨一皆折之由是廣造論議若百論之類是也勝事既集以法付羅睺羅多偈曰本對傳法人為說解脫理於法實無證無終亦無始已而入奮迅三昧體放入光而趣寂滅衆興寶塔葬焉當此

漢文帝之世也

正宗記

景帝

啓文帝太子即帝位七年又中元六年又後元三年共十六年壽四十八帝以筭法五百三百

太重乃更減筭法遵文帝之業移風易俗黎民淳厚周云成康漢稱文景

武帝

徹景帝子在位五十四年壽終七十一罷黜百家表章以六經興太學修郊祀定音律作詩樂

建封禪禮百神紹周後號令文章煥然帝雅好儒術丞相竇嬰太尉田蚡御史大夫趙綰請立明堂以朝諸侯薦其師申公時年八十餘以為大中大夫舍魯邸議明堂巡狩改歷服色帝招四方賢材之士莊助最先進漢書作嚴助後得吳人朱買臣趙人吾丘壽王蜀人司馬相如平原東方朔吳人枚舉濟南終軍並在左右太初元年十一月甲子朔冬至命司馬遷造漢太初歷以寅為正月歲首色尚黃數用五然而行兵用武外開四夷至于權酒酤筦鹽鐵鑄白金造皮幣帝時始有年號自古

帝王未有也即位  
初曰建元元年

建元六

元光六

元朔六

元狩六

元鼎六

元封六

太初四

天漢四

太始四

征和四

後元二

# 十六祖羅睺羅多士

迦毘羅國人也行化至室羅筏城謂徒衆曰此有聖

者當紹祖位至金水河於石窟見僧伽難提安坐入定伺之三七日方從定起祖問曰汝身定耶心

定耶提曰身心俱定祖曰身心俱定何有出入提曰雖有出入不失定相如金在井金體常寂祖曰

若金在井若金出井金無動靜何物出入提曰言金動靜何物出入言金出入金非動靜祖曰若金

在井出者何金若金出井在者何物住迺徵詰難提豁然即求度脫祖以右手擎金鉢舉至梵宮取

彼香飯大衆有卻即命難提分座同食衆復疑之  
意其師弟子混而無品祖知之曰汝不得食皆由  
此故今與吾分座之者乃過去娑羅王如來也應  
物而降跡耳難提知衆有慢乃曰佛滅度後人無  
至信正念輕微不信真如唯愛神力言訖以右手  
漸展入地至金剛輪際取甘露水以琉璃器持至  
會所大衆見之即生欽慕悔過作禮於是祖命僧  
伽難提而付法眼偈曰於法實無證不取亦不離  
法非有無相內外云何起付法已安坐歸寂四  
衆建塔以秘全身當此前漢武帝之世也正宗  
**昭帝**弗陵武帝子在位十三年壽二十二歲大司馬  
大將軍霍光車騎將軍太僕金日磾左將軍上官  
桀受武帝顧命遺詔輔政百姓充實舉賢良文  
官桀罷推酤始元元年遣王平等持節行郡國問  
學議罷推酤始元元年遣王平等持節行郡國問  
民疾苦寃  
失職者



始元六  
元平一

元鳳六

# 十七祖僧伽難提大士

室羅筏城實莊嚴王之子  
生而能言常讚佛事年七

歲以偈告父母曰稽首大慈父和南骨血母我今  
欲出家幸願哀愍故父母許其在家出家復命沙  
門禪利多為之師積十九年捨離王宮入定金河  
大巖石窟又十年得法已行化至摩提國至山峯  
下見一童子持圓鑑直造祖前祖問汝幾歲耶曰  
百歲祖曰汝年尚幼何言百歲曰我不會理正百  
歲耳祖曰汝善機耶曰佛言若人生百歲不會諸  
佛機未若生一日而得決了之祖曰汝手中者當  
何所表曰諸佛大圓鑑內外無瑕翳兩人同得見  
心眼皆相似彼父母聞其子語即捨令出家祖度  
之授具戒名之曰伽耶舍多他時風吹殿鈴聲祖  
問曰鈴鳴耶風鳴耶舍多曰非風鈴鳴我心鳴耳

祖曰心復誰乎舍多曰俱寂靜故祖曰善哉善哉  
繼吾道者非子而誰即付法眼偈曰心地本無生  
因地從緣起緣種不相妨華果亦復爾祖付法已  
右手攀樹而化衆議奉全身塔於高原衆力不能  
舉即樹下闌維収舍利起塔  
當此漢昭帝之世也証宗

### 昌邑王

賀哀王之子武帝孫元平元年四月昭帝崩  
無嗣大將軍霍光與羣臣議立王王素狂縱

六月受皇帝璽綬尊皇后曰皇太后帝每不受諫  
在位二十七日皇太后詔廢之送昌邑邸迎立武  
帝曾孫病已于民間  
為昭帝嗣更名詢証

### 宣帝

詢初名病已武帝戾太子據生史皇孫史皇孫  
生詢武帝曾孫也即位年十八在位二十五年

壽終四十二帝興自民間知民疾苦自大將軍霍  
光薨後始親政事魏相丙吉為相黃霸龔遂等為

太中信賞必罰吏稱其職民安其業地節三年  
相韋賢以老病罷就第丞相致仕自賢始五鳳四  
年大司農中丞耿壽昌奏置常平倉穀賤增價糶  
以利農穀貴減價糶民便之賜壽昌爵關內侯甘  
露三年上以四陸賓服思股肱之美乃圖畫其人  
於麒麟閣法其形貌署其官爵名姓惟霍光不名  
但曰大司馬大將軍博陸侯姓霍氏其次張安世  
韓增趙充國魏相丙吉杜延年劉德梁丘賀蕭望  
之蘇武凡十一人皆有功德知名當世是以表而  
揚之名著中興輔佐列於方叔召虎仲山甫焉詔  
諸儒講五經同異蕭望之等平奏其議上親稱制  
臨決焉乃立梁丘易大小夏侯尚書穀梁春秋博  
士黃龍  
元年崩

本始四

地節五  
甘露四

元康四  
黃龍一

神爵四

元帝

爽宣帝子在位十六年壽四十三班彪贊曰臣外祖兄弟為元帝侍中語臣曰元帝多材藝善

書史少而好儒及即位徵用儒生委之以政上牽制文義優游不斷帝寬弘盡下出於恭儉號令溫

雅有古之風烈竟寧元有古之風烈竟寧元

寧元有古之風烈竟寧元

初元五永光五建昭五竟寧一

成帝

驚元帝太子在位二十六年壽四十五建始元年封舅王崇為安成侯賜譚商立根逢時爵關

內侯王氏專政五侯驕奢並作威福永始元年封王莽為新都侯綏和元年十一月大司馬王根薦

莽自代莽為大司馬時年二十八莽折節散財交士以立名譽綏和二年三月帝崩

建始四河平四陽朔四鴻嘉四永始四元延四綏和二

十八祖伽耶舍多大士

摩提國人也姓鬱頭藍父天蓋母方聖娠凡七日而

誕童時持鉢出遊遇難提得度行化至大月氏國至一婆羅門舍舍主鳩摩羅多年三十學梵志適見祖問曰是何徒衆祖曰是佛弟子彼聞佛號心神竦然即時開戶祖良久扣其門羅多應曰此舍無人祖曰答無者誰羅多聞語知是異人遽開門延接祖指其舍簷之下大宿之處謂羅多曰汝父埋金於此今為犬以守之遂掘地果得金乃發宿命智投誠出家祖度之授具已祖以法眼付之偈曰有種有心地因緣得發萌於緣不相礙當生生不生祖付法已踊身虛空現十八變化火自焚衆

以舍利起塔供養當此

前漢成帝之世也

正宗

哀帝

欣元帝孫成帝弟定陶共王之子在位六年壽二十五帝屢誅大臣欲強主威王莽辭以病免

帝崩無嗣元后召王莽為大司馬迎中山王衍而立之

建平四年  
元壽二

平帝

衍元帝孫中山王箕之子在位五年即帝位年九歲太后臨朝大司馬王莽秉政元始元年賜

莽號安漢公四年夏加安漢公為宰衡五年五月策命安漢公莽以九錫攝行天子事冬十二月莽因臘日上椒酒置毒酒中帝有疾莽詐作策請命於泰時願以身代藏策金滕置于前殿救諸公莫敢言丙午  
帝崩壽十四  
九錫一車馬二衣服三樂縣  
帝崩壽十四  
九錫一車馬二衣服三樂縣  
七斧鉞  
八弓矢  
九鉞

元始五

孺子嬰

宣帝玄孫年二歲立之有司奏武功長孟通浚井得白石上圓下方有丹書著白石曰告

安漢公莽為皇帝符命之起自此始太后怒而力不能沮莽如周公故事稱攝皇帝吏民皆稱臣禮儀皆如天子元年五月詔莽稱假皇帝以居攝三年為初始元年即真天子位定有天下之號曰新以是冬十二月為明年正月商正也時孺子未即皇帝位璽藏長樂宮及莽即帝位請璽太后不肯授莽莽使安陽侯舜齎旨以賜太后太后出漢璽投之於地策命孺子嬰為定安公

右西漢十四君合二百十四年王莽篡位

新室

王莽字巨卿元城人孝元皇后弟王曼之子既移漢祚封太皇太后王氏曰新室文母去漢號

莽恃其詐隱煩民玩兵罪盈怨積天下怒之起兵誅莽漢兵推立劉玄為帝三輔豪傑共殺莽莽篡

位十 三輔者京兆左  
四年 馮翊右扶風

始建國五 天鳳六  
地皇三

更始

劉姓玄名字聖公春陵戴侯曾孫即位以劉秀  
武光為司隸校尉繼立為蕭王赤眉入關立劉盆

子而更始已更始在位二年後漢  
光武建武元年詔封玄為淮陽王

劉盆子

城陽景王章之後王莽末拱崇起兵于莒崇  
慮其衆與莽軍相亂皆朱其眉以相認破莽

軍更始二年以盆子為天子後漢建武三  
年降光武以盆子為趙王郎中因病失目

癸未更始元年梁王劉永據睢淮南王李憲據

王莽滅

陽稱帝元年九城稱帝元年

甲申

成孫述據成都 寧朔王隗囂據

更始二年

劉永二年

李憲二年

稱帝龍興元年

秦州



乙酉東漢光武

建武元年

劉永三年

李憲三年

龍興二年

劉永

梁王劉永據睢陽稱帝東漢光武建武四年戊子劉紆元年次年巳丑漢滅之

李憲

淮南王李憲據九城稱帝至庚寅光武建武六年漢滅之

公孫述

據成都稱帝始甲申終于丙申建武十二年漢滅之

隗囂

寧朔王隗囂公孫述立之據秦州始甲申終甲午漢建武十年隗純元年光武滅之

盧芳

據安定縣興元號漢稱帝始乙酉年日元年東漢建武十六年降於光武

彭寵

漁陽守據檀薊二州稱燕王始建武丁亥終建武五年巳丑光武滅之

張步

齊王東漢建武三年丁亥劉永立之建武五年巳丑光武滅之

右新室更始合一十六年復為東漢

十九祖鳩摩羅多士

大月氏國婆羅門子既得法眼至中天竺國有大士

名闍夜多問曰我家父母素信三寶而常繫疾瘵凡所營作皆不如意而我鄰家久為旃陀羅行而身常勇健所作和合彼何幸而我何辜祖曰何足疑乎且善惡之報有三時焉凡人但見仁天暴毒逆吉義凶便謂無因果虛罪福殊不知影響相通毫釐靡忒縱經百千萬劫亦不磨滅佛說業過三世者蓋以前世所作善業而報在此生此生苟為不善則報在來世故人有此生雖為善而不得其福者前惡之報勝也今世雖作惡而不受其殃者前善之勝也苟以今生非得福報復務為惡而來世益墮惡趣也苟以此生得其福報復務為善而來世益得善趣也又前世為善其德方半而改志

為惡及此生也先福而後禍此生為惡其事方半而變行為善及來世也先禍而後福今汝父與汝之鄰其善惡又報不以類至蓋先業而致然也宜可以一世求之耶時聞夜多聞是語已頓釋所疑祖曰汝雖以信三業而未明業從惑生惑因識有識依不覺不覺依心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有為無為皆如夢幻聞夜多承言領旨即發宿慧懇求出家既受具祖曰汝當紹行化迹乃付法眼偈曰性上本無生為對求人說於法既無得何懷決不決又云此是妙音如來見性清淨之句汝宜傳布後學言訖即於座上以拈爪勢面如紅蓮華出大光明照耀四眾而入寂滅闇夜多起塔供養當此王莽新室之世也

正宗記

東漢

都洛陽今河南府路

光武

明帝

章帝

和帝

殤帝

北鄉侯

順帝

冲帝

質帝

桓帝

靈帝

獻帝

世祖光武皇帝

諱秀字文叔南陽人漢景帝七世孫長沙定王發之後南頓令劉欽之子

癸未更始元年為偏將軍行大司馬事甲申更始二年立之為蕭王擊銅馬賊闔西號為銅馬帝初

光武兵起綠林山北今江復縣北道也為荊門州之州城乙酉諸

將議上尊號帝不許者三四軍行到南平棘諸將

復固請之耿純進曰不正號位士大夫望絕散去

難可復合行至鄴也京北乃命有司設壇場於鄴南

千秋亭五成陌六月即皇帝位改元建武大赦帝

在位三十三年壽六十二歲崩帝以仁厚之德濟

英雄之志即位十六年而天下為一精勤為治保

全功臣尊尚儒術百姓乂安幸太學修文教非警

急不言軍旅聘隱

逸以為不賓之臣

建武三十一  
中元二

# 世尊釋迦文佛

入滅至建武二十七年得一千載矣

# 顯宗明皇帝

諱莊光武第四子帝遵建武法度后妃之家不使與政臨幸辟雍養三老五更

至于羽林之士悉通孝經文教為威法令分明永平三年圖畫中興功臣列二十八將於南宮雲臺又益以王常李通竇融卓茂合三十二人獨馮援以椒房之親不與焉永平四年東平王蒼來朝帝問居家何者最樂對曰為善最樂帝嘆曰此言甚大可以保國二十八將者鄧禹為首次馬成吳漢王梁賈復陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬修蓋延邳彤鉅鹿劉植耿純

賦官馬武劉隆

佛教流通東土之始

永平七年帝夢金人長大項有日光飛至殿廷旦問羣臣

太學聞人傳穀奏曰周昭王時西域有佛出世其形長一丈六尺而黃金色陛下所夢將必是乎博士王遵推周書異記佐之帝遂遣中郎蔡愔博士秦景等一十八人往西域求佛法蔡愔等至天竺鄰境月氏國遇梵僧攝摩騰竺法蘭二人奉佛經像來震旦也東土遂同東還年永平十摩騰入闕獻經像帝大悅館于鴻臚寺蘭亦間行而後至帝於城西雍門外別立一寺騰蘭居之以白馬馱經而來遂名白馬寺永平十四年五嶽道士費叔牙褚善信等忌之斥言虛偽騰蘭白於帝曰吾佛出世間法水火不能壞請與方士驗之帝敕叔牙等盡出所有奇經祕訣與沙門所持來經像就焚之正月

十五日火作而沙門諸經宛然不燼方士稽首欽服帝益異之由是騰蘭習漢言久之譯四十二章經十地斷結佛本生法海藏佛本行等五經帝嘗幸其寺騰蘭進曰寺東何館帝曰昔有阜無因而起夷之復然夜有光怪民呼為聖塚因祀之疑洛陽神也騰曰按天竺金藏詮所誌阿育王歲如來舍利於天下凡八萬四千所今支那震旦境中十有九處此其一也帝大驚即日駕幸聖塚而騰蘭隨往拜起忽有圓光現塚上三身現光中侍衛呼萬歲帝喜曰不遇二大士安知上聖遺祐哉詔塔其上受制度於騰蘭塔成九層高二百尺明年光又現有金色手出塔頂尺許如琉璃中見天香郁然帝駕幸拜瞻光隨少武旋繞自午及申而減于時皇弟楚王英喜為浮圖齋戒嘗奉繚贖謹帝還之以助伊蒲塞桑門之盛饌見漢書并讀六年攝摩騰示寂竺法蘭自譯經五部凡十三卷

帝在位十八年壽四十八歲  
永平十八年八月帝崩

紀本

## 二十祖閣夜多士

中天竺國人也既得法行化至羅閱城彼有辨論之師婆

修盤頭常一食不卧六時禮佛清淨無欲祖欲度之言以激之盤頭發無漏智憶念七劫前生安樂國年垂老行當證果見大光明菩薩以策杖靠壁禮拜菩薩不知策杖倚地盡壁佛面成大我慢遂失二果今獲見師願垂慈誨祖即告曰汝久植德本當繼吾宗聽吾偈曰言下合無生同於法界性若能如是解通達事理竟祖付法已倒立而寂闍維舍利建塔當此後漢明帝之世也

正宗記

## 肅宗章帝

桓明帝太子務從寬厚除慘酷之科深元元之愛著胎養之令盡心孝道平徭簡賦

人賴其慶在位十三年壽三十三元和二年春正月詔曰令云民有產子者復勿莫三歲今諸懷姙



者賜胎養穀人三斛復其夫勿笑一歲著以為令  
乙丑帝耕于定陶建幸魯祠孔子於闕里及七十  
二弟子作六代之樂大會孔氏男子二十以上者  
六十二人帝謂孔僖曰今日之會寧於御宗有光  
榮乎對曰臣聞明王聖主莫不尊師貴道今陛下  
親屈萬乘辱臨敝里此乃崇禮先師增輝聖德至  
於光榮非所敢承帝大笑曰非聖  
者子孫焉有斯言乎拜僖郎中

漢書

建初八  
章和二

元和三

和帝

肇章帝第四子在位十七年壽二十七竇太后  
臨朝以兄憲為侍中永元四年竇氏父子兄弟

充滿朝廷專權帝以中常侍鄭眾  
定議誅憲宦官用權自此而始

漢書

永元十六  
元興一

殤帝

隆和帝少子元興元年十二月生始百日和帝崩帝即位鄧太后臨朝鄧騭為車騎將軍改元

延平八月帝崩太后迎清河王慶之子祐為和帝嗣即皇帝位

延平一

恭宗安帝

祐在位十九年太后臨朝建光元年三月皇太后鄧氏崩凡鄧氏皆免官歸故里騭

自殺帝始親政事宦者江京樊豐等及乳母王聖與閹后妄造虛無構譖太子九月廢皇太子保為

濟陰王延光四年三月帝崩壽三十二歲

永初七 元初六 永寧一  
建光一 延光四

二十一祖婆修盤頭大士

羅閱國人也姓毘舍佉父光蓋母嚴一年十一

禮光度羅漢出家受戒尋遇闍夜多士激發大  
慧乃得付法行化至那提國彼國王名當自在王  
有次子名摩拏羅王捨出家祖曰普哉大王能捨  
其子即與受具付法偈曰泡幻同無礙如何不了  
悟達法在其中非今亦非古祖付法已躡身高半  
由旬屹然而住四眾瞻仰虔請復座跏趺而逝茶  
毘得舍利建塔當此後  
漢安帝之世也正宗記

### 北鄉侯

懿濟北惠王之子延光四年三月安帝后閼  
氏立之后臨朝十月北鄉侯薨十一月中常

侍孫程王康等十九人斬江京等  
迎濟陰王保即皇帝位時年十二

### 順帝

保安帝太子既即位遣侍御史持節次閭顯及  
其弟耀晏誅之遷太后離宮封孫程等皆為列

侯是為十九侯立皇后梁  
氏在位十九年壽三十歲

永建六  
漢安二

陽嘉四  
建康一

永和六

正一道教

永和六年四川西道成都路崇慶州鶴鳴山有士曰張道陵自號天師造符水

醮錄之術著道書二十四卷百姓求其道咸歸焉  
道陵死傳之子衡衡死傳之子魯盛行于世道家  
醮禱宗此而始傳嗣及今  
天下宗仰是曰正一教焉

冲帝

炳順帝子建康元年八月即帝位太后梁氏  
臨朝永嘉元年正月崩在位一年壽三歲  
永嘉一

質帝

續章帝玄孫初冲帝崩梁太后徵清河王蒜及  
渤海孝王鴻之子續皆至京師清河王年二十  
餘為人嚴重動止有法太尉李固欲立之大將軍  
梁冀不從與太后謀罷蒜歸國立帝年八歲帝聰

慧目冀曰此跋扈將軍也冀惡之夏六月冀使左右置毒煮餅進之帝苦煩甚崩在位一年壽九歲

本初一

桓帝

志章帝曾孫年十五太后攝臨朝政立皇后梁氏太后之妹也帝在位二十一年壽三十六和

平元年正月太后詔歸政於帝二月太后崩延熹二年梁冀秉政幾二十年威行內外天子拱手帝不平呼中常侍單超徐璜黃門令貝瑗御坐貝小黃門史左官唐衡定議誅冀悉收梁氏百姓冀不稱慶封單超徐璜等五人為縣侯世謂之五侯也

建和三  
永壽三  
延熹九  
元嘉二  
永康一  
永興二

建和二年西域月氏國沙門支婁迦識亦名支識至洛陽譯佛經凡二十一部計六十三卷

永興二年帝鑄黃金浮圖老子像覆以百寶蓋宮中身奉祀之世人以金銀作佛像自此而始也寶三

紀

二十二祖摩拏羅大士

邓提國常自在王之子年三十遇婆修大士出家傳

法至西印度彼國王名得度瞿曇種族於佛乘勤行精進一日行道處見一小塔高一尺四寸其色青玄衆莫能舉王即大奮行禪觀呪術三衆問塔所因衆莫能辨祖謂王曰此塔阿育王所造佛舍利塔也四面示相前則尸毘王割股飼鷹救鵠後則慈力王剝身然燈左則薩埵太子投崖飼虎右則月光王指捨寶首四面皆是釋迦世尊宿世修道之跡今王有緣故出現耳言已舉之王說即傳位太子投祖出家是為得度比丘祖乃往月氏國受彼王寶印并尊者鶴勒那供養鶴勒那問祖

曰我有何緣鶴衆隨我祖曰汝昔嘗為比丘赴會  
龍宮汝弟子衆咸欲隨從汝觀五百衆中無有一  
人堪受妙供時諸子曰師常說法於食等者於法  
亦等今既不然何聖之有時汝即令其衆赴會是  
諸弟子福薄德微墮於羽族然已五劫今乃轉受  
鶴身曰以何方便令彼解脫祖曰我有無上法寶  
汝當聽受化未來際而說偈曰心隨萬境轉轉處  
實能幽隨流認得性無喜亦無憂時諸鶴衆聞偈  
飛鳴而去祖跏趺寂然奄化鶴勒那與寶印王闍  
維之斂舍利起塔供養當此後漢桓帝之世也

記

靈帝

宏章帝玄孫河間孝王曾孫也年十二竇太后  
立之陳蕃有力焉帝乳母趙嬀音及諸女尚書

中常侍曹節王甫等詔事太后濁亂  
四方帝在位二十二年壽三十四歲

欽定四庫全書

卷一

建寧四

嘉平六

光和中六

中平六

光緒三年帝遣中使洛陽佛塔寺飯  
諸沙門懸繒燒香散華然燈

三寶

江淮寺塔之始

安息國沙門安清字世高本世子  
當嗣位讓之叔父出家桓帝建和

二年至洛陽譯佛經二十九部凡一百七十六卷  
至是建寧四年因附舟浮遊至廬山鄉晉亭廟神  
靈甚能分風送往來之舟會晉舟奉牲請福神降  
語曰舟有沙門可與來高至神曰吾昔與子俱出  
家學道吾好施然而多嗔報形極醜家此湖千里  
皆所轄旦夕且死必入地獄我有鱣段絹雜寶物  
可為立法營塔使我生善處因泣下高許之高徐  
日能出形相勞苦乎神曰形惡奈何高曰第出之  
於是出其首帳中蓋巨蟒也悲淚如雨高取絹物  
至豫章為建大安寺乃江淮寺塔之始也神報之



日生善處已後人於山西澤中見死蟒頭  
尾數里今潯陽縣有大蛇村是也

錄自錢

中平元年黃巾賊滅初鉅鹿德今人張角以妖術  
教授號太平道呪符水以療疾病衆共神之角弟  
子周遊四方十餘年徒衆數十萬自青徐幽冀荆  
揚兗豫八州之人莫不畢應凡三十六方猶將  
軍也大方萬餘人小方六七千人角弟子唐周上  
書告之有詔逐捕角等角救諸方俱起皆著黃巾  
以為標幟故時人謂之黃巾賊旬月之間天下響  
應京師震動發天下精兵遣中郎將盧植討之垂  
當拔之宦官誣詔皇甫嵩討角嵩與角弟梁戰  
大破之斬梁角先已病死剖棺戮屍傳首京師  
**少帝** 辨靈帝子中平六年四月靈帝崩帝即位年十  
四何太后臨朝封皇弟協為陳留王宦官蹇碩  
欲誅大將軍何進而立協中軍校尉袁紹因勸何  
進悉誅宦官進白太后太后不聽紹又曰多召四

方猛將使引兵向京城以脇太后進然之并州牧董卓即時就道中常侍張讓段珪詐以太后詔何進斬進于嘉德殿前袁紹何苗聞進被害乃引兵屯朱雀闕下捕得趙忠等斬之宦官死者二千餘人讓珪劫帝幸小平津讓珪急赴水死卓脇太后廢帝為弘農王帝在位一百八十日立其弟陳留王協殺何太后

卓自為相國

靈帝中平六年四月帝即位改元永漢又改光熹又改昭寧後仍作中平六年十月帝廢

獻帝

協靈帝中子董卓逼帝遷都長安焚毀洛陽宗廟初平元年正月關東州郡皆起兵討卓推渤海太守袁紹為盟主典軍校尉曹操長沙太守孫

堅亦皆起兵起討卓自是孫堅起江浙袁紹據幽并劉表據荆楚劉璋據蜀董卓忌於誅殺人不聊生初平三年司徒王允司隸校尉黃琬等密謀誅

卓中郎將呂布脅力過人卓常以布自衛允因告  
以誅卓布許之四月帝有疾新愈大會未央殿卓  
朝服乘車而入布持矛刺卓趣兵斬之百姓相慶  
歌舞於道建安元年曹操迎帝都許今許州以操  
為司空以劉備為豫州刺史天下紛然兵起建安  
二年袁術稱帝於壽春今安徽豐路建安十八年五月  
封曹操為魏公加九錫漢平帝見前七月魏始建社  
稷宗廟十一月魏初置尚書侍中六卿十九年劉  
備圍成都劉璋開城降建安二十一年二月魏公  
操還鄴今山東德縣五月進操爵為王二十二年詔魏  
王操設天子旌旗出入稱警蹕冕十有二旒乘金  
根車駕六馬設五時副車立其子丕為太子建安  
二十四年己亥七月劉備自稱漢中王曹操表孫  
權為驃騎將軍假節領荊州牧封南昌侯庚子年  
正月操至洛陽薨壽六十六歲太子丕嗣王位年  
曰延康十一月受漢禪改元黃初封漢帝為山陽

公帝在位三十年壽五十四歲至魏  
明帝青龍二年薨諡曰孝獻皇帝

初平四

興平二

建安四

譯經

自永平年至建安末綴素十二人譯佛經律  
二百九十三部計三百九十五卷

經律  
數元釋

右東漢十三帝合一百九十五年禪于魏三分天

下

理惑

興平二年牟子者未詳名字世稱牟子避世  
隱居著理惑設問答凡三十七篇見梁僧祐

律師弘明集今畧出其八篇節其文句設問曰何  
以正言佛佛為何謂乎牟子曰佛者覺也猶言三  
皇神五帝聖也問曰佛經衆多欲得其要而棄其  
餘直說其實而除其華牟子曰否夫日月俱明各

有所照二十八宿各有所主百藥並生各有所愈  
孤裘備寒絺絺御暑舟輿異路俱致行旅孔子不  
以五經之備復作春秋孝經者欲博道衍資人意  
耳佛經雖多其歸為一也猶七典雖異其貴道德  
仁義亦一也孝所以說多者隨人行而與之子張  
子游俱問一孝而仲尼答之異攻其短也何棄之  
有哉問曰佛有三十二相八十種好何其異於人  
也甚矣殆富耳之語非實之云也牟子曰窮云少  
所見多所怪親駱駝言馬腫背堯眉八彩辟目重  
瞳卑陶馬喙文王四乳禹耳三漏周公背僕伏犧  
龍鼻仲尼反顧老子日角月玄鼻有雙柱手把十  
丈足蹈二五此非異於人乎佛之相好奚疑哉問  
曰孝經云身體髮膚受之父母不敢毀傷曾子臨  
洊曰啓予手啓予足今沙門剃頭何其違聖人之  
語不合孝子之道也牟子曰孝經言先王有至德  
要道太伯斷髮文身自從吳越之俗違於身體髮

膚之義然孔子稱之其可謂至德矣仲尼不以其  
斷髮毀之也豫讓吞炭漆身聶政皮面自刑伯姬  
蹈火高行截容君子為勇而死義不聞譏其毀沒  
也問曰夫福莫踰於繼嗣不孝莫過於無後沙門  
棄妻子捐財貨終身不娶何違其福孝之行也牟  
子曰許由棲巢木夷齊餓首陽聖孔稱其賢曰求  
仁得仁者也不聞譏其無後無貨也問曰佛道言  
人死當更復生僕不信此言之審也牟子曰人臨  
死其家上屋呼之死已復呼誰乎問者曰呼其魂  
魄牟子曰神還則生不還則神何之乎曰成鬼神  
牟子曰是知鬼神固不滅矣但身自朽爛耳身譬  
五穀之根葉鬼神如五穀之種實根葉生而必死  
種實宜有終乎問曰為道亦死不為道亦死有以  
異乎牟子曰所謂無一日之善而問終身之譽者  
也有道雖死神歸福堂為惡既死神當其殃愚夫  
闇於成事賢智預於未萌道與不道如金比革禍

之與福如白方黑安得無異乎問曰孔子云未能  
事人焉能事鬼未知生焉知死此聖人之所紀也  
今佛家輒說生死之事鬼神之語殆非聖哲之語  
也牟子曰若子之言所謂見外而未識內者也孔  
子以子路不問本末乃抑之耳孝經曰為之宗廟  
以鬼享之春秋祭祀以時思之又曰生事愛敬死  
事哀戚宜不教人事鬼神知生死哉周公為武王  
請命曰旦多才多藝能事鬼神鬼神夫何為也佛經所  
說生死之趣  
非此類乎

## 二十三祖鶴勒那大士

月氏國人也姓婆羅門父  
千勝母金光年二十二出

家三十歲遇摩訶羅得法行化至中印度為王說  
法王欣然歸敬初大士上足曰龍子早世龍子之  
兄曰師子依大士得度一日指東北問眾曰是何  
氣象眾不諳師子曰我見氣如白虹復有黑氣五

道橫亘其中大士曰吾滅後五十年北天竺國當有難起要在汝身吾將滅矣今將法眼付囑於汝善自護持汝往他國難累汝躬慎早付授無令斷絕聰吾偈曰認得心地時不說不思議了了無可得得時不說知付法已大士即騰身太虛作十八變復其座寂然遷化四眾闍維將分其舍利務各塔之大小顯靈降跡而說偈曰一法一切法一法一切攝吾身非有無何分一切塔眾即合一浮圖而供養當此後漢獻帝之世也

正宗記

### 三國

#### 魏

文帝 黃初七  
明帝 太和六

青龍四 景初三

邵陵厲公 正始九 嘉平五  
高貴鄉公 正元二 甘露四



元帝 景元四 咸熙二

曹姓以土德都鄴古相州今河北東山西道後

遷洛陽初武王操字孟德山東沛國譙人父嵩官

至太尉祖騰漢靈帝中常侍嵩乃騰之養子操於

漢末為東郡太守董卓亂關中操迎漢帝都許州

後進操爵為魏王子丕為太子漢帝建安

二十四年已亥明年庚子正月魏王操自鄴至洛

陽薨時太子左在鄴即魏王位改元延康十一月

受漢禪即皇帝位改元黃初大赦國號魏追尊父

王操武皇帝廟號太祖改相國為司徒

御史大夫為司空魏五主合四十五年

# 蜀

先主 章武二 延熙十二 景耀五 炎興一

劉姓備名字玄德漢中山靖王勝之後都成都

西魏文帝黃初二年備即皇帝位于成都西武擔

之南建元章武在位三年壽六十三  
後主在位四十年二主合四十二年

吳

權

黃武七

黃龍三

嘉禾六

赤烏三

太元一

神鳳一

亮

建興二

五鳳二

太平三

休

永安六

皓

元興一

甘露一

寶鼎三

建衡三

鳳凰三

天冊一

天璽一

天紀四

權姓孫字仲謀堅之子策之弟也魏文帝黃初二  
年魏拜權為吳王加九錫權自公安徙都鄧更鄧

曰武昌

武昌江南湖北道

壬寅年建元黃武己酉年四

月權即

皇帝位大赦改元黃龍九月遷都建業

東

道建康

立子和為太子魯王霸謀去太子求

已代之權怒廢和為庶人賜霸死立少子亮為太

子乙酉年冬皓遷都武昌丁亥年十二月還都建

業庚子晉武帝太康元年二月晉伐吳皓出降至

業

庚子晉武帝太康元年二月晉伐吳皓出降至

閏夏四月晉帝詔賜皓爵歸命侯吳四主合五十九年

魏文帝

延康十一月受漢禪即皇帝位改元黃初  
魏武帝太子庚子年正月即魏王位建元

庚子

黃初元年

吳

吳

辛丑

黃初二年

章武元年

備即皇帝位

魏拜權為吳王加九錫

壬寅

黃初三年

章武二年

黃武元年

癸卯

黃初四年

建興元年

四月先主殞子禪立

黃武二年

蜀

章武二年四月先主備殂於永安丞相諸葛亮奉喪還成都諡曰昭烈五月太子禪即皇帝位

改元建興

吳

黃武二年西域月氏國優婆塞支謙字恭明博覽經籍趙洛邑黑瘦眼多白睛黃時語曰支郎

眼中黃形雖小是智囊避地歸吳吳主悅之拜為博士譯佛經一百二十九部凡一百五十二卷謙受業於支亮亮字紀明亮受業於支識世謂天下博知不出三支

甲辰

黃初五年

建興二年

黃武三年

乙巳

黃初六年

建興三年

黃武四年

魏

陳思王曹植字子建武帝中子十歲誦詩書十餘萬言善屬文每讀佛經留連嗟玩以為至道

之宗極轉讀七聲升降曲折之響世皆譏而則之遊魚山聞有聲特異清颺哀婉因效其聲為梵讚今法事有魚山梵即其餘奏也

錄明

丙午

黃初七年

建興四年

黃武五年

魏

平原王叡甄夫人生文帝子也郭后無子帝使

平原王叡獵見子母鹿帝親射殺其母命叡射其

子叡泣曰陛下已殺其母臣不忍復殺其子帝即

放弓矢為之惻然夏五月帝疾篤乃立叡為太子

丙辰召曹真陳群司馬懿並受遺詔輔政丁巳帝

殂壽四十六歲

魏明帝

叡文帝太子黃初七年五月即帝位

丁未

太和元年

建興五年

黃武六年

戊申

太和二年

建興六年

黃武七年

巳酉

太和三年

建興七年

黃龍元年

四月權即  
皇帝位

庚戌

太和四年

建興八年

黃龍二年

辛亥

太和五年

建興九年

黃龍三年

壬子

太和六年

建興十年

嘉禾元年

癸丑

青龍元年

建興十一年

嘉禾二年

甲寅

青龍二年

建興十二年

二月諸葛亮卒

嘉禾三年

乙卯

青龍三年

建興十三年

嘉禾四年

丙辰

青龍四年

建興十四年

嘉禾五年

魏

青龍四年詔公卿舉才德兼備者各一人司馬懿以兗州刺史王昶應選昶為人謹厚名其兄

之子曰默曰沈子曰渾曰深為書戒之曰吾以四者為名欲使汝曹顧名思義不敢違越也夫物速成則疾亡晚就則善終朝華之草夕而零落松柏之茂隆寒不衰是以君子戒於闕黨也夫能屈以為伸讓以為得弱以為強鮮不遂矣夫毀譽者愛惡之原而禍福之機也孔子曰吾之於人誰毀誰譽以聖人之德猶尚如此况庸庸之徒而輕毀譽哉人或毀已當退而求之於身若已有可毀之行則彼言當矣若已無可毀之行則彼言妄矣當則無怨于彼妄則無害于已又何反報焉諺曰救寒莫如重裘止謗莫如自修斯言信矣

魏

丁巳

景初元年

建興十五年

嘉禾六年

魏

景初元年正月山莊對詔潁縣言黃龍見高堂

隆以為魏得土德故其瑞黃龍見宜改正朔易服色以神明其政變民耳目帝從其議三月下詔改元以是月為孟夏四月服色尚黃犧牲用白從地正也更命太和歷曰景初歷三年復寅為正

戊午

景初二年

延熙元年

赤烏元年

己未

景初三年

延熙二年

赤烏二年

魏

景初三年正月帝手詔召司馬懿於汜帝執其手曰吾以後事屬君君與曹爽輔少子指齊王

芳謂懿曰此是也是日立齊王為皇太子帝尋殂

壽三十六正月太子即位年八歲加曹爽司馬懿

侍中都督中外諸軍錄尚書事并州刺史畢軌及鄧颼李勝何晏丁謚皆有才名曹爽輔政驟加引



擢晏等使與發詔轉司馬懿為太傅外以名號尊之內欲令尚書奏事先來由已一月以司馬懿為太傅以與弟羲為中領軍其餘諸弟皆以列侯侍從貴寵莫比七月帝始親臨朝十二月詔復以建寅之月為正月

### 魏邵陵厲公

芳明帝養子立為太子即位年八歲大將軍曹爽專政勢傾四方正始八年大

將軍爽用何晏鄧颺丁謐之謀遷太后於永寧宮太傅懿不能禁與爽有隙稱疾不與政事嘉平元年春正月帝謁高平陵大將軍爽與弟中領軍羲武衛將軍訓等皆從太傅懿以皇太后令閉諸城門勒兵據武庫授兵出屯洛水浮橋召司徒高柔行大將軍事據爽營太僕王觀行中領軍事據羲營因奏爽罪惡於帝爽奉帝還宮爽兄弟歸家懿發洛陽吏卒圍守之有司奏爽與何晏鄧颺丁謐

畢軌李勝等陰謀反逆收其等効以大逆不道夷三族嘉平三年八月太傅司馬懿卒詔以其子師為撫軍大將軍錄尚書事

庚申

正始元年

延熙三年

赤烏三年

辛酉

正始二年

延熙四年

赤烏四年

吳

赤烏四年康居國三藏康僧會至吳營立茅茨設像行道國初見沙門驚異之有司以聞孫

權曰是漢明帝所夢佛道之遺風耶詔至問狀會進曰如來大師化已千年然靈骨舍利神應無方昔阿育王奉之為八萬四千塔此其遺化也權以為誇已曰舍利可得當為塔之若其無驗國有常刑會請期七日無驗乃展二七日無驗權曰趣烹之會默念佛名真慈夫豈遠我哉更請展期又七

日五鼓矣聞餅然有聲起視餅中光明錯發黎明  
進之權與公卿聚觀嘆曰希世之瑞也會又言舍  
利威神一切世間無能壞者權使力士掘之砧碎  
而光明自若權乃為建塔於建業之佛陀里又為  
寺奉會居焉額曰建初江南寺塔此為始也僧會  
康居國大丞相之長子也梁明吳王權問太傅闕  
澤曰漢明何年佛教入中國何緣不及東方澤曰  
永平年佛法初至計今赤烏四年則一百七十年  
矣永平十四年五藏道士褚善信等乞與西僧角  
法於是善信負妄慚而死其徒以屍歸葬南嶽凡  
中國人例不許出家無人流布加之惟亂歲深方  
至本國權曰孔子制述典訓教化來世老莊修身  
自玩放浪山林歸心澹泊何事佛為澤曰孔老二  
教法天制用不敢違天佛教諸天奉行不敢違佛  
以此言之優劣可見也梁明佛梁闕澤字德潤會  
稽山陰人好學居貧為人傭書自給所寫既畢則

能詢記由是博覽羣籍虞翻見而稱之日關  
生矯傑仲舒子雲流也澤官至太子太傅誤

壬戌

正始三年

延熙五年

赤烏五年

癸亥

正始四年

延熙六年

赤烏六年

甲子

正始五年

延熙七年

赤烏七年

乙丑

正始六年

延熙八年

赤烏八年

丙寅

正始七年

延熙九年

赤烏九年

丁卯

正始八年

延熙十年

赤烏十年

戊辰

正始九年

延熙十一年

赤烏十一年

己巳

嘉平元年

延熙十二年

赤烏十二年

庚午

嘉平二年

延熙十三年

赤烏十三年

戒律

魏嘉平二年天竺沙門曇柯迦羅此云法時至洛陽譯僧祇戒本時比丘特剪髮而已未

有律儀迦羅始出戒本而以戒心為日用時西域梵僧曇無德賈四分律至洛陽迦羅請曇無德等

立羯磨法有安息國沙門曇諦至亦善律學遂同譯出戒經一卷由是疏決其源法道遂興焉中國

戒法自此而始  
戒律從此而範

辛未

嘉平三年

司馬懿平

延熙十四年

太元元年

壬申

嘉平四年

延熙十五年

建興元年

四月權傾子亮立

癸酉 嘉平五年

延熙十六年

建興二年

二十四祖師子尊者

中天竺國人也姓婆羅門少依婆羅僧出家習定晚師鶴

勒那大士得法既受懸記遂乃往於他國行化至  
屬賓國其國先有沙門曰婆黎迦專習小乘禪觀  
黎迦之後其徒承其法者遂分為五家其學有曰  
禪定有曰知見有曰執相有曰捨相有曰持不語  
然競以其能相勝尊者皆往正之首謂持不語者  
曰佛教勤演般若孰為不語而反佛說耶次謂捨  
相者曰佛教威儀具足梵行清白豈捨相耶次謂  
執相者曰佛土清淨自在無著何執相耶次謂知  
見者曰諸佛知見無所得故此法微妙覺聞不及  
無為無相何知見耶然四者之衆皆服其教其五  
禪觀之衆其首者名達磨達號有知識衆皆尊之  
以前四衆之屈憤然不甘遂造尊者欲相問難尊

者謂曰仁者習定何乃來此若此來也何嘗習定  
答曰我來此處心亦不亂定隨人習豈在處所祖  
曰仁者之來其習亦至既無處所豈在人習答曰  
定習人故非人習定我雖去來其定常習祖曰人  
非習定定習人故當自去來其定誰習答曰如淨  
明珠內外無翳定若通達乃當如此祖曰定若通  
達必似明珠今見仁者非珠所類答曰其珠明徹  
內外悉定我心不亂猶若是珠祖曰其珠無內外  
仁者何能定穢物非動搖此定不是淨達磨達義  
屈遂禮之曰我於學道蓋虛勞耳非聞斯言幾不  
知至尊者當容我師之祖乃謂之曰諸佛禪定無  
有所得諸佛覺道無有所證無得無證是真解脫  
酬因答果世之業報而此法之中悉不如是汝若  
習定乃當然也達磨達忻然奉教祖既攝五衆名  
聞遐邇其國一長者子曰斯多年僅二十常握左  
手其父求祖醫之其父先有夢感

具傳感錄

祖謂

斯多曰可還我珠童子遽開手奉珠長者欣然捨之出家祖即與授具以前緣故名婆舍斯多祖曰此國加難於我然我衰老豈更苟免而我所傳如來大法眼藏今以付汝汝宜奉之自務傳化或遇疑者即將我僧伽黎衣為之信驗聽吾偈曰正說知見時知見俱是心當心是知見知見即于今婆舍斯多奉命即日去之居無何其國果有兄弟二人凡曰魔目多弟曰都洛迦相與隱山學外道法一旦都洛迦謂其兄曰我將竊入王宮作法殺王以奪其國遂易其徒皆為僧形其法無効為國擒之兵者以沙門奏王大怒曰我素重佛何以為此大逆遂殺誅沙門其王彌羅咄咄自仗劍詣尊者曰師得無相法耶曰得王曰生死有懼乎祖曰已離生死何有懼也王曰不懼可施我頭祖曰身非我有豈況於頭王即斬之尊者首墮白乳湧高丈許王之右臂即截然自絕尋病七日而死王方疾時



太子光首大募方士為父悔謝有僊者自象白山來謂光首曰此風對不必憂也太子憂解塔師子

尊者遺骸於被害處當此魏邵陵厲公齊王芳之世也

正魏宗

魏帝在位十四年與左右謀誅大將軍司馬師不克甲戌年九月大將軍師乃謀廢帝召羣臣會議奏太后收帝璽綬歸藩於齊使郭芝入白太后授帝齊王印綬為築宮於河內迎立東海王之子髦至晉受魏禪封齊王曰邵陵公晉泰始十年薨諡曰厲壽四十三歲

### 魏高貴鄉公

髦東海王霖之子文帝孫也甲戌年九月司馬師迎帝立之正元二年正月司

馬師卒於許昌二月詔其弟昭為大將軍錄尚書事甘露元年四月賜大將軍昭袞冕之服赤舄副馬三年五月詔以司馬昭為相國封晉公加九錫昭襲乃止甘露四年春正月黃龍二見寧陵井中

帝曰龍者君德也上不在天下不在田而屈於井中非嘉祥也作潛龍詩以自諷司馬昭見而惡之在位七年

甲戌

正元元年

九月改

延熙十七年

五鳳元年

乙亥

正元二年

正月司馬師卒

延熙十八年

五鳳二年

丙子

甘露元年

延熙十九年

太平元年

丁丑

甘露二年

延熙二十年

太平二年

魏

許州名魏汴梁豫州

魏城

朱士衡棄俗出家為漢地沙門之始於洛陽講道行經為此土講經之始經

有疑士衡直往西域求梵策證之本

戊寅 甘露三年

景耀元年

永安元年

亮廢漢太子休立

吳

吳主亮權之少子也年九歲即位即位六年為人聰偉孫綝憚之不朝亮乃與全尚謀誅綝事

泄九月綝復有怨言休衛之密與張布丁奉謀因臘

會誅綝夷綝三族休

景帝也在位六年

己卯 甘露四年

景耀二年

永安二年

魏

庚辰年正月帝見戚操曰去不勝其忿五月召侍中王沈尚書王經散騎常侍王業謂曰司馬

昭之心路人所知也吾不能坐受廢辱今日當與卿自出討之王經曰昔魯昭公不忌季氏敗走失

國為天下笑今權在其門為日久矣陛下一旦如此無乃欲除疾而更深之邪禍殆不測宜見重詳

欽定四庫全書

卷一

卷一

帝乃出懷中黃素授地曰行之決矣遂拔劍升輦率殿中宿衛蒼頭官僮鼓噪而出中護軍賈充自外入逆與帝戰於南闕下太子舍人成濟問充曰事急矣當云何充曰司馬公畜養汝等正為今日濟即抽戈刺帝殞於車下壽二十歲昭入殿中召羣臣會議尚書左僕射陳泰不至昭使其舅尚書荀顗召之泰入見悲慟昭亦對之泣曰玄伯卿何以處我泰曰獨有斬賈充少可以謝天下耳昭久之曰卿更思其次泰曰泰言惟有進於此不知其次昭乃不復更言太后下令罪狀高貴鄉公廢為庶人收王經及其家屬付廷尉經謝其母母怡然笑而應曰人誰不死正恐不得其所以此并命何恨之有太傅司馬孚等請以王禮葬高貴鄉公太后許之使中護軍司馬炎迎熱王宇之子常道鄉公瑒於鄴為明帝嗣六月太后詔常道鄉公更名奐即皇帝位時年十五

魏元帝

吳武帝孫在位五年禪於晉封帝為陳留王  
宮于鄴至惠帝太安元年薨壽五十八謚曰

魏元  
皇帝

庚辰

景元元年

六月  
改

景耀三年

永安三年

辛巳

景元二年

景耀四年

永安四年

壬午

景元三年

景耀五年

永安五年

熊邯嵇康文辭壯麗好言莊老而尚奇任俠與陳  
留阮籍籍兄子咸河內山濤河南向秀琅邪王戎  
沛人劉伶特相友  
善號竹林七賢

癸未

景元四年

魏分益州  
為梁州

炎興元年

後主降魏  
封扶風王

永安六年

甲申 咸熙元年

元興元年

五月休  
祖皓立

吳

永安七年五月休死諡曰景皇帝丞相濮陽興  
左將軍張布說朱太后不立休子璽璽乃立皓

皓權太子和之

子改元元興

西域沙門至魏譯佛經凡六人曰曇柯迦羅曇無  
德康僧鎧支彊梁接白延支彊梁樓出經律論十

部二

魏

咸熙元年三月進晉公昭爵文王五月追命舞  
陽文宣侯司馬懿為晉宣王忠武侯司馬師為

景王乙酉年五月加文王世子曰太子八月文王  
司馬昭卒太子嗣為相國晉王十二月帝禪位于

王晉

右魏五主合四十五年天下歸晉

晉

姓司馬氏河內人世執魏政受魏禪王  
金德都上洛曰西晉移都建康曰東晉

西晉

武帝  
懷帝  
愍帝

武皇帝

諱炎字安世文帝昭之子也受魏禪即皇帝  
位封魏帝為陳留王追尊晉宣王懿為高祖

宣皇帝

懿

字

景

王

師

為

世

宗

景

皇帝

子

昭

為

太

祖

文

皇帝

子

昭

字

宣

帝

長

子也

壽

四

十

八

歲

文

王

昭

為

太

祖

文

皇帝

子

昭

字

宣

帝

長

帝

母

弟

也

壽

五

十

五

歲

武

帝

在位

二

十

五

年

壽

五

十

五

歲

泰始十

咸寧五

太康十

乙酉

晉

泰始元年

帝崇重佛事  
廣造伽藍

吳

甘露元年

欽定四庫全書

卷一

吳主皓始即位偏毀神祠波及梵宇臣僚諫曰先帝感瑞初寺不可毀也皓乃遣張昱往告康僧會會挫其辭理辨鋒出昱不能屈歸以會才高聞皓召至問曰佛言善惡報應可得聞乎會曰明主以孝慈治天下則赤鴉翔而老人星見以仁德育萬物則醴泉冽而嘉禾茁善既有應惡亦如之故為惡於隱鬼得而誅之為惡於顯人得而誅之易稱積善餘慶詩美求福不回雖儒典之格言即佛教之明訓皓曰然則周孔既明安用佛教會曰周孔不欲深言故畧示其跡佛教不止淺言故詳示其要皆為善也聖人惟恐善之不多陛下以為嫌何也皓無以對之遂罷皓有疾請會說法悔罪會為開示玄要及授五戒少頃疾愈由是奉會為師崇飾寺塔殊法苑林

丙戌

泰始二年

寶鼎元年



燉煌菩薩

月氏國沙門竺曇摩羅察晉言法護至洛陽護學究三十六國道術兼通其事

及自天竺大貴梵本婆羅門經達于玉門因居燉煌世號燉煌菩薩初譯法華經曰正法華者是也後遊洛邑及之江左晉懷帝永嘉中隨處譯經未嘗暫停時優婆塞聶承遠執筆助翻垂四百卷及承遠卒其子道真詢稟洛承法護筆授道真亦自譯經六十餘卷時晉沙門釋法炬法立支敏度及優婆塞衛仕度等譯出衆經炬與立等每相參合廣畧同異編次部類凡一百四十餘卷復有沙門薑良樓至安法欽竺叔蘭白法祖支法度等各出衆經所以西晉已來宣譯增盛教相廣流此土者法護有殊功護所譯經凡一百七十五部至晉愍帝建興元年絕筆不譯護嘗於燉煌今甘肅省沙州之南建立伽藍精進行道秦築長城西不遇臨洮則未有此地漢為燉煌郡陽關玉門關注

水在馬漢武帝嘗得  
奇馬於水邊是也

經圖

丁亥

泰始三年

寶鼎二年

戊子

泰始四年

寶鼎三年

己丑

泰始五年

建衡元年

庚寅

泰始六年

建衡二年

辛卯

泰始七年

建衡三年

壬辰

泰始八年

鳳凰元年

癸巳

泰始九年

鳳凰二年

甲午 泰始十年

鳳凰三年

乙未 咸寧元年

天冊元年

丙申 咸寧二年

天璽元年

丁酉 咸寧三年

天紀元年

戊戌 咸寧四年

天紀二年

己亥 咸寧五年

天紀三年

庚子 太康元年

四月  
滅吳

天紀四年

四月  
祚終

夏四月孫皓歸晉賜爵歸命侯吳四主合五十九年譯經道俗四人出經一百八十九部凡四百一

十  
七  
卷  
記

法師康僧會是歲九月入滅  
會譯經十四部凡三十卷  
傳本

辛丑太康二年  
壬寅太康三年

世尊舍利

是年出現明州  
今浙東道  
元初見時  
阿育王山廣利禪寺

癸卯太康初甲辰太康五年乙巳太康六年  
丙午太康初丁未太康八年戊申太康九年

朱士衡者魏高貴鄉公甘露二年講道行經有疑  
難直往西域求梵本證之至是丁未年得梵本於  
于闐國將發歸程于闐小乘衆白其國王曰漢人  
欲以婆羅門書惑亂正典王若不禁將盲聾漢地  
士衡憤慨曰此佛經也乃求燒經為證王積薪縱  
火火燼經存光明錯發王衆駭服王乃津遣送連

洛陽士衛復至許昌又二年于闐國尊者  
無又羅所譯放光般若經三十卷是也  
陳本

# 己酉太康十年

## 惠帝

諱衷字正度武帝第二子泰始二年立為皇太子為入繼駿母楊皇后保護之武帝亦以皇孫

適聰慧故不忍廢武帝崩太子即位尊楊皇后曰皇太后立妃賈氏為皇后八月立廣陵王適為皇太子至丙寅光熙元年冬十一月帝食餅中毒崩在位十七年壽四十八歲帝於洛下造興聖寺常供千僧

集

必明

永熙一  
太安二

元康九  
永興二

永康一  
光熙一

永寧一

## 庚戌永熙元年

四月武帝崩  
帝即位改元

辛亥元康元年

正月改永平  
又改元康  
紀帝平

皇后賈氏險悍多權畧不肯以婦道事太后欲干預政事為太傅楊駿所抑二月后竊與殿中郎孟觀李肇謀誅駿夷三族死者數千人后矯詔送太后永寧宮金亮釀城于徵宣帝子汝南王亮為太宰與太保衛瓘皆錄尚書事執政亮瓘惡衛軍將軍王瑋弟也之剛愎好殺去其軍權遣之國瑋忿怨六月后使帝手詔賜瑋免亮及瓘官瑋遂勒本軍矯詔執亮瓘殺之太子少傅張華使董猛說賈后宜以瑋專殺之罪誅之后亦欲殺瑋華白帝遣殿中將軍王宮齎駒虞幡麾衆曰楚王矯詔勿聽也衆釋仗走執瑋下廷尉斬之於是賈后專朝矣紀帝

丙辰元康六年

西竺沙門者域初來交廣既達襄陽此年至洛陽見比丘衣服華麗

乃曰大違戒律非佛意也太守滕永文兩腿摩屈  
經年不能起行求域治之域以淨衣楊枝拂之者  
三滕即能行域知世之將亂乃辭歸天竺有僧乞  
言為誠域令會眾眾集域陞座曰守口攝身意慎  
勿犯眾惡修行一切善如是得度世言訖便默眾  
遮道請中食者數百人域許之明日域分應其家  
各喜其來及發洛南徐行而追者莫及域以杖畫  
地曰于此訣矣是日有出長安者見域在大寺有  
賈胡濕登者其少  
會域宿於流沙

已未元康九年

賈后計謀廢太子適以帝弟成都  
王穎鎮鄴以宣帝弟之孫河間王

顯鎮  
關中

庚申永康元年

正月賈后殺太子適於許昌四月  
趙王倫宣帝弟以孫秀計討賈后

廢為庶人斬賈謚倫陰與孫秀謀篡位先除朝望  
且報宿怨執張華裴頠解結等斬之倫矯詔賜賈  
后死謚故太子適曰愍懷秋八月孫  
秀以宿恨害石崇詔加相國倫九錫

辛酉永寧元年

正月相國倫使散騎常侍義陽王  
威逼奪帝璽使禪位于倫倫備

法駕入宮即皇帝位改元建始帝出居金墉城惠  
帝弟齊王同成都王穎河間王穎常山王乂等四

月起兵討倫斬孫秀等於中書省迎帝於金墉城  
復位賜倫死并收其子葵姑無誅之六月詔齊王

同為大司馬加九錫  
見下常山王改封長沙

壬戌太安元年

齊武閔王同既得志頗驕奢擅權  
中外失望主簿顧榮東曹掾張翰

皆慮禍及翰因秋風起思拔菜萐羹鱸魚膾歎曰  
人生貴適志耳富貴何為即引去榮故酣飲不省



府事河間王顥上表陳問罪狀且言勒兵十萬欲與成都王穎新野王歆范陽王虓會洛陽請長沙王入廢同還第以穎代同輔政顥遂舉兵帥張方等趨洛陽遣使邀穎十二月顥表至同大懼張方帥兵二萬軍新安機長沙王又使討同又將左右百餘人入宮閉諸門奉天子攻大司馬府連戰三日同衆大敗大司馬長史趙淵執同以降同至殿前帝惻然欲活之又叱牽出斬於閭闔門外同黨皆夷三族長沙王又雖在朝廷事無巨細皆就鄴詣大將軍穎穎以孫惠為叅軍陸雲為右司馬

## 癸亥太安二年

成李特

建初元年執

始出仕

前涼張某客魔代拓跋祿官

大將軍穎恃功驕奢百度弛廢甚於齊王同時嫌長沙王又在內不得逞其欲八月穎與河間王顥共表入專擅朝廷起兵誅之顥以張方為都督將兵自孟谷東趨洛陽以平原內史陸機為前將軍

督石超等軍南向洛陽屯于河橋詔以又為太尉  
都督中外諸軍事以禦之十月太尉又奉帝與陸  
機戰於建春門機軍大敗赴七里澗死者如積水  
為之不流石超遁去頽收機殺之并其弟雲張方  
京師兵逼

甲子 永興元年

晉 漢劉淵據平陽成李雄即成都孟前涼慕容廆代

元熙元年

建興元年

長沙厲王又屢與大將軍頽戰正月東海王越  
弟之慮事不濟潛與殿中諸將夜收又送別省啓  
帝也帝下詔免又官置金墉城越欲殺又以絕衆心乃  
遣人密告張方方收又至營殺之大將軍頽入京  
師使還鎮於鄴詔頽為丞相加東海王越守尚書  
令頽表盧志為中書監參署丞相府事河間王顥  
還鎮長安二月丞相頽表廢皇后羊氏幽于金墉  
城廢皇太子覃為清河王詔以頽為皇太弟乘輿

服御皆遷于鄴。顓僭侈日甚，嬖倖用事，大失衆望。司空東海王越與入，故將右衛將軍陳珍等謀討之。河間王顓遣張方鎮洛陽，顓拒之。由是顓、穎有隙。七月，戊戌，復皇后羊氏及太子覃。己亥，越等奉帝討顓。顓遣石超帥衆五萬拒戰，乘輿敗績於蕩陰。百官侍御皆散。侍中嵇紹朝服下馬，登輦以身衛帝。穎兵斫紹血濺帝衣。帝墮草中，亡六璽。帝如鄴。幸穎營，司空越奔下邳。八月，復廢太子覃及羊后。司空越弟東瀛公騰王浚合兵擊穎，將王斌大破之。鄴中大震。百僚奔走，士卒分散。盧志勸穎奉帝還洛陽。顓將張方擁兵專制朝政，太弟穎不得復預事。張方在洛，既久，兵士剽掠衆情喧喧。十一月，張方劫帝遷都長安。軍人公爭府藏，魏晉以來蓄積掃地無遺。帝入長安，復皇后羊氏。詔太弟穎以成都王還第，更立豫章王熾為皇太子。帝兄弟二十五人時存者唯穎、熾及吳王晏。晏材質庸下。

熾冲素好學故  
太宰顯立之起事

乙丑晉永興二年漢元熙二年成建興二年前凉慕容廆代

東海中尉劉洽以張方劫遷車駕勸司空趙起兵討之七月越傅恢山東征鎮云欲斜率義旅奉迎天子還復舊都於是范陽王虓許交及王浚等共推越為盟主浚遣其將祁弘帥突騎鮮卑烏桓為越先驅太宰顯大懼斬張方首送越

丙寅晉光熙元年漢元熙三年大成李雄即帝位前凉慕容廆代晏平元年

夏五月祁弘等西入關太宰顯單馬逃入太白山弘等入長安秦帝東還洛陽以司空越為太傅錄尚書事范陽王虓鎮鄴南陽王模鎮許昌王浚幽州刺史頽為劉粲所殺顯為南陽王模所殺十

一月  
帝崩

懷帝

諱熾字豐度武帝第二十五子永興元年立為皇太弟光熙元年十一月惠帝崩皇太弟即帝

位永嘉五年為漢兵所執遷帝及六璽於平陽晉今

壬申年又封曰會稽郡公癸酉年二月帝遇害壽三十歲

永嘉六

丁卯

晉永嘉元年

漢元熙四年

大成

晏平二年

前涼慕容廆代

戊辰

永嘉二年

永鳳元年

劉淵即位

晏平三年

己巳

永嘉三年

河瑞元年

晏平四年

庚午永嘉四年

光興元年  
七月朔立

晏平五年

代倚盧詹代稱公

辛未永嘉五年 嘉平元年 玉衡元年

壬申永嘉六年 嘉平二年 玉衡二年

愍帝

諱鄴字彥旗吳王晏之子武帝之孫也洛陽不

安立社稷癸酉年二月懷帝遇害四月孟昶至長

安群臣奉帝即位改元建興四年九月漢大司馬

劉曜逼長安十一月帝謂羣臣曰今厄如此當忍

耻出降以活士民羣臣號泣攀車執帝手劉曜使

宗敞奉帝還宮丁酉遷帝及公卿以下於其營辛

丑送至平陽漢主聰以帝為光祿大夫封懷安侯

丁丑年十二月 帝長安造通靈  
遇害壽十八歲 白馬二寺

弘明集

建興四

癸酉

晉

建興元年 嘉平三年 玉衡三年

前凉 慕容廆代公

三月有二佛石像浮海入吳松江扈濱士民共瞻其浮遊巫師士庶爭往迎之風濤涵湧吳縣朱膺者素奉佛往迎像接之登舟其輕如羽佛之背題名一曰維衛一曰迦葉奉安道玄寺今平江路也梁簡文皇帝製記作讚碑寸文記

甲戌 建興二年 嘉平四年 玉衡四年

前凉 慕容廆代公

乙亥 建興三年

漢建元元年

玉衡五年

丙子 建興四年

漢麟嘉元年

玉衡六年

前凉 張寔代

西晉華戎譯經道俗十二人出經律六百卷  
建寺一百八十所度僧尼三千七百人

弘明集

右西晉四帝合五十二年移都建康

初曰建業  
避愍帝諱

改曰  
建康

雜處中夏接于晉魏之國十六

俱開橫厯列於繫統  
甲子之下方冉魏不

在十六  
國之數

漢劉淵趙劉曜見東晉成帝咸和三年  
前涼張軌見東晉武帝太元元年

成李特後改曰漢見東晉穆帝永和三年  
後趙石勒見東晉穆帝永和五年

前燕慕容廆見東晉廢帝太和五年  
前秦苻氏見東晉武帝太元十九年



後秦姚氏見東晉安帝義熙十三年

後涼呂光見東晉安帝隆安五年

西秦乞伏國仁見宋文帝元嘉五年

後燕慕容垂見東晉安帝義熙三年

南涼秃髮烏孤見東晉安帝義熙十年

西涼李嵩見宋武帝永初三年


北涼沮渠蒙遜見宋文帝元嘉十六年

北燕馮氏見宋文帝元嘉十三年

大夏赫連勃勃見東晉安帝義熙二年

南燕慕容德見東晉安帝義熙五年

元魏東西分理之後  
東魏禪于齊後齊尋為周滅  
西魏禪于周後周復禪于隋



釋氏稽古畧卷一